



BIBLIOTEKA


Zakł. Nar. im. Ossolińskich

XVII

1.268







5

DE ORDINATIO NE SACERDOTVM in Ecclesia Romana.

Aduersus Iacobi Zaborouij Caluiniani Ministri
DISSERTATIONEM.

AVCTORE
R. P. MARTINO SMIGLECI O Societatis
I E S V, Sacræ Theologiæ Doctore.



C R A C O V I A E,
*In Officina Typographica Francisi Cesarij. Anno Domine
M. D G. XVI.*



15.878



XVII - 1268 - IV

Illusterrimo Domino,
D. VENESLAO

à Leszno

LESZCZYNSKI CA-
stellano Calissiensi

A V C T O R F E L I C I T A T E M.


Escio an vllâ in re tantum collocent
præsidij sectarij , ILLVSTRISSI-
ME DOMINE , quantum in libris
quos cudent & recudunt perpetuò.
Inde sectæ suæ de Catholicis trium-
phum, inde suo nomini gloriâ polli-
centur. Sed enim Thrasonicè magis quam verè hi ipsi
& perfidiam illorum produnt iugulandam , & famæ
luculentam inurunt notam. Cum enim nullis vel ar-
gumentorum telis instructi sint , vel responsionum
clypeis tecti , nec elidere , nec eludere vlo modo
possunt robur Catholicæ veritatis ; quin etiam te-
meritatis apud viros cordatos incurruunt infamiam.
Nonnulla olim disputaueram de illegitimâ vocatio-
ne ministorum: his opuscula duo, tardè quidem, sed
aliquando tamen opposuit Zaborouius : in quorum
altero Nodum ita soluit , vt adstringat fortius. neq;
enim

4
EPISTOLA DEDICATORIA.

enim solum friuolè admodum ad obiecta respondet,
verùm etiam Patrum testimonia torta truncata q; pes-
simâ fide pro suis trahit commentis, vt palam faciunt
notæ quas dedimus : ex quibus quiuis intelligit
eum, quòd à veritate desperasset suppetias, à falsitate
quæsiuisse : in altero vero ea, quæ ministris inseparata
prorsus inhærent, in Sacerdotes nostros congerit;
conatu quidem, vt videtur maximo, sed non dissimili
cæterorum prædicanticæ gentis fortunâ. nihil agit.
quemadmodum ex eo, quem nunc in lucem emitto,
libro prudens Lector non difficile iudicabit; ac in-
primis tu **I L L V S T R I S S I M E D O M I N E**, cui hunc
meum exiguum laborem lubens ac promptus dedi-
co; non ideo solum quòd iudicij tui & in deprehen-
dendis erroribus sagacitatem, & in damnandis graui-
tatem perspectam habeam; sed quod peruelim meæ
erga te obseruantiæ aliquam extare tesseram. Acci-
pe igitur **I L L V S T R I S S I M E D O M I N E** benigno
placido q; vultu, & per otium animi grauissimi Reip:
negotijs fatigati relaxandi gratiâ perlege. Calissij,
ex Collegio C A R N C O V I A N O Societatis I E S V,
Anno Domini 1617. 1. Iunij.

DE

DE ORDINATIONE

Sacerdotum in Ecclesia

Romana.

Octo argumentis rem aggreditur Zaborouius , ut
Sacerdotes Catholicos legitimè ordinatos non esse
euincat : sed quām irrito conatu , ex ijs quæ mox
subijciam , quilibet nullo negotio de-
prehendet.

Primum argumentum.

N primo argumento id præcipuè vrget Zaborouius ,
quod Sacerdotes Catholici ad Missas celebrandas
ordinantur , quibus passio & mors Christi euacua-
tur , ideoque illegitimè ordinatos esse . Hoc non
est argumentum , sed calumnia . Etenim Missæ sa-
crificium non ad abolendam passionis & mortis
Christi memoriam , sed ad eam maximè repræsen-
tandam , & fructum eius hominibus applicandum ,
pertinet . Nam neque repræsentatio passionis & mortis Christi potest co-
gitari maior , quām quæ sit vera & reali corporis , & sanguinis Christi in Sa-
cramento exhibitione : neque passionis & mortis Christi fructus in nos
dimanare potest , nisi nobis per certa media applicetur : inter quæ principem
locum tenet Sacrificium hoc incruentum : quod quia à nobis potestate à
Christo factâ conficitur : offerri quoque à nobis Deo potest in munus longè
gratissimum . Quid enim maximum à Deo accepimus , id illi in sacrificiū
exhibemus . Quid vero Deo gratius corpore & sanguine Christi ? quæ quia
fuse in primo de notis Ministrorum libro contra Zaborouium demonstrata
sunt : hic solum ipsas calumnias refutabo .

Ait nos Sacerdotii munus Christi proprium in homines transferre .

De ordinatione Sacerdotum

Sacerdotii Falsum. nam Sacerdotis principalis munus, quod Christi proprium est; Christi nulli alteri præter Christum concedimus. Ipse enim principalis est Sacerdotius, quia ex seipso vim & dignitatem ad offerendum habet: hominibus vero ministeriale tantum Sacerdotum munus concedimus, ut nomine principalis Sacerdotis Christi, & potestate ipsius eandem victimam, quam in cruce ipse semel obtulit, & in Sacramento offerendam reliquit, offerant eo fine ut fructus victimæ in cruce oblatæ, applicetur.

Ait Christum semel oblatum esse secundum scripturam, & saepe offerari non debere. Hebr: 9. 27. Fateor Christum semel per passionem & mortem oblatum esse, nec debere iterum, ea ratione offerri; quo sensu non alio id dicit & docet scriptura: alioqui vt Paulus ibidem ait, oporteret Christum pati frequenter ab origine mundi, si per mortem saepe offerri deberet. Porro secundum eandem scripturam fateri quoque necesse est, eandem victimam ritu Melchisedeciano sub panis & vini speciebus quotidie & in aeternum in altari offerendam esse. Hebr. 8. 3. neque in uno tantum loco, sed a solis ortu ad occasum, & in omni loco, iuxta Malachiae vaticinium cap: 1. Nominis igitur somniamus Christum quotidie offerri, vt nobis obijcit Zaborouius, in cruento. sed id ex clarissimis scripturis docemus. Illi potius somniant, qui scripturis non credunt eandem victimam in cruce & Sacramento demonstrantibus modo tantum non re diuersam. Simili sensu in Epistola ad Hebr: dicitur, una oblatio. Neque enim illa alia oblatio, præter oblationem corporis & sanguinis Christi admitti potest; quæ eadem est in cruce & in Eucharistia, modo tantum offerendi diuerbia. Illa enim ipsa numero victimæ, quæ in cruce cruentè offlata est in Eucharistia incruente, ritu scilicet Melchisedeciano sub panis & vini speciebus offertur.

Repetitionem sacrificii ait ex Paulo esse imperfectionis argumentum.

Repetitio Fateor, si vna victimæ consumpta aliam similem substituire oporteat. Tabularius sacri- lem enim repetitionem sacrificij in legalibus sacrificiis agnoscit, & arguit tunc non est Paulus, vt imperfectam, quotidie enim nouæ victimæ à precedentibus diuersæ offerebantur: quod argumentum est imperfectionis. Si enim victimæ una sufficiisset, alias plures non fuissent necessariae. Nos vero tales repetitionem in nostro sacrificio non admittimus, cum non multas victimas, sed vnam & eandem semper offeramus: imo quia nostram esse perfectam & sufficientem credimus, ideo alias non multiplicamus, nec ad eas recurrimus; sed vnam & eandem nobis quotidie in sacrificio applicamus. Non potest igitur repetitio illa sacrificiorum, quæ damnatur à Paulo, tanquam imperfectionis argumentum nobis merito obiecti. cum illa ad nostra in fa-

erificium non pertineat. Sequitur insufficiētē fuisse oblationem in cruce factam, si supplemento sacrificij incruenti indiget. At fallitur. Id enim non est supplementum virtutis, quam sacrificium cruentum habet sufficiētissimam, sed applicationis, quale supplementum concedi non solum absurdum non est, sed plane necessarium. Sacrificio enim in critice actō nihil *Supplementum* quidem deest quo ad virtutem deest tamen applicatio; siquidem fructus illius sacrificij nemini in cruce fuit applicatus a Christo. alioqui omnes essent *tutis*, at ap. salui. sed per alia media ex Christi institutione applicari debet, vt per Fidem, applicationis Baptismum, & alia similia: quae si quis negligat, fructum sacrificij in cruce *est in sacrificio nostro*. facti non percipiet. Sieut igitur absurdum non est supplere illud sacrificium per alia media quo ad applicationem: ita & per sacrificium incruentum, quod non nouam virtutem ad salutem nobis confert; sed virtutem sacrificij cruenti nobis applicat. Cum igitur, Zaboroui, in tuo primo argumento probare non potueris, nostros Sacerdotes in sacrificio Missæ contra virtutem & perfectionem sacrificij in cruce oblati agere, fateri debebis te ab initio statim in probatione defecisse. Tantum vero absit, vt propter sacrificium Missæ Catholici Sacerdotes non sint veri & legitimi Sacerdotes, venisi hoc sacrificium offerrent, nullo modo veri Sacerdotes essent: cum nec Sacerdotes sine sacrificio esse possint, nec aliud sacrificium noui testamenti esse possit, quam sacrificium corporis & sanguinis Domini. uti loco citato a nobis demonstratum est.

Secundum argumentum.

IN secundo arguento ostendit Sacerdotes Pontificios non esse legitimè *Ordinationes* ordinatos: quia eo fine ordinantur, vt id, quod solius Dei proprium est, nisi acerdo ad se rapiant: nempe potestatem peccata remittendi. Hic iterum calumniā annexam pro arguento objecit. Etenim potestatem illam principalem & independentem remittendi peccata, quae Dei propria est, Sacerdotibus minime mutendi concedimus: sed ministeriale duntaxat, & à diuina dependentem, qua-peccata nec Iesu Christus ipse dato ad id Spiritu sancto concessit Apostolis. Ioán: 20. quicquam Nam & potestas miracula faciendi si sit principalis & independens, Dei so- preiu. scas. lus propria est: si vero sit ministerialis, & virtute diuina exercetur, ea hominibus quoque communicari potest. Manifesta igitur est hæc in nos calumnia. Neque enim nos illam, quae Dei propria est, potestatem, sed alienam ab ea distinctam, & longe diuina inferiorem hominibus concedimus:

neque

De ordinatione Sacerdotum

neque rapimus ad nos quod Dei est, sed id quod nobis à Deo per Christum concessum est, legitimo iure accepimus. Plura ad hanc rem contra Zaborouium doceo in primo de notis Ministrorum libro, vbi etiam demonstro Ministros Lutheranos & Calvinianos eo nomine legitimos Ministros non esse, quod Spiritum sanctum ad remittenda peccata in sua ordinatione non accipiant; & potestate Ministeriali remittendi peccata, quam Christus singulariter ordinis Sacerdotalis decus esse voluit, careant.

Tertium argumentum.

Eidem ordinationi, ex eo derogare quasi ad id latri am pro mouendam dirigatur est blasphemare.

In tertio arguento contendit Pontificios Sacerdotes, legitimos pastores non esse, quod ad idololatriam promouendam ordinentur. Ordinantur enim, inquit, ad Eucharistiam populo eandem adoraturo in Missa ostendantur. Hoc argumentum pura est in Christum blasphemia. Quis enim Christianis auribus ferat carnem Christi diuinam, diuino cultu adorandam non esse, aut in ea adoranda idololatriam committi? Si enim caro Christi ob vniōnē cum diuinitate adoranda non est; neque Christus homo Deus hypostaticè vnitus diuino cultu adorandus erit? quo quid magis blasphemum fungi potest? Recte igitur Augustinus ex sensu vniuersae Ecclesiae Catholicæ de carne Christi in Eucharistia loquens ait: *Quam nemo manducat nisi adorauerit.* Non nos Zaborouii idololatræ sumus, qui diuinum corpori Christi honorem deferimus: sed vos infideles estis, qui Christi verbis veram suam carnem in Eucharistia esse affirmantis non creditis; Nos quia credimus veri Christi adoratores sumus; vos quia infideles estis diuinum honorem Christo Domino & Corpori eius, gentilium instar denegatis.

At, inquis; Creaturā esse carnem Christi negare non potestis? Quid tum? num & Christus humanæ naturæ respectu creatura non est? & tamen propter vniōnē hypostaticam cum diuina natura adoratur ut Deus; quam vniōnē ad carnem quoque Christi spectare, si Christianus es, non negabis. Pura igitur creatura diuino cultu adoranda non est; at creatura diuinitati vnta non ratione sui, sed ratione vntæ diuinitatis diuinum cultum promeretur. Id si tu non credis, è numero Christianorum non es: ad gentilium numerum spectas. Si credis, teipsum condemnas, cùm carnem Christi diuino cultu adorandam negas.

Quar-

Quartum argumentum.

IN quarto argumēto aīs, nostros Sacerdotes & Episcopos per pecuniam & malas artes suam ordinationem consequi, ideoq̄ legitimē ordinatos non esse. Si id vniuersē de omnibus Sacerdotib⁹ intelligis, calumniator es impudens: si de aliquibus, insipientissimus argumentator. *Non omnes sacerdotiū malis artibus adeunt.* Quis enim nisi stultissimus inferat, si aliqui ex sacerdotib⁹ Pontificiis per pecuniam & malas artes suam ordinationem consecuti sunt, de omnibus sacerdotib⁹ idem iudicium faciendum esse. Si Iudas Apostolus sur erat & proditor Christi, an igitur cæteri quoque Apostoli simili notā afficiendi erunt? Annē apud vos defunt Ministri, qui malis artibus ministeria consequuntur? nunquid inde inferes, nullos apud vos Ministros legitimos esse? Deinde si de ordinatione quæ est ad ordinem sacerdotalem vel Episcopalem loquaris, (vt propriè loquendum tibi est) *sacerdotiū vel malis artibus quesitum est sacerdotium verum.* erras si existimas per pecuniam ordinatos Sacerdotes & Episcopos veros & legitimos Sacerdotes non esse. Verum enim sacerdotalem ordinem, licet non legitimis modis consequuntur: sicut & qui baptismum similibus modis acquireret, vere & legitimē baptizatus esset, ita vt rebaptizari non possit. *Quod si simoniaci Sacerdotes can: 30.* Apostolorum priuarii iubentur suis dignitatibus & excommunicari; id non ita crassè accipendum est, vt sacerdotes esse desinant. character enim sacerdotalis semel habitus amitti nunquam potest; sed vt tam vsu ordinis sacerdotalis careant, quam dignitatibus & officiis sacerdotio annexis. Hæc cùm non intelligas, aut te non intelligere simules, argumentator acutus videri vis; sed non nisi apud eos qui oculos non habent: & tuam in argumentando inscitiam reprehendere non possunt.

Quintum argumentum.

IN quinto argumēto sacerdotes Pontificios probas esse dissipatores, non dispensatores Sacramentorum, quod vsum alterius speciei fidelibus auferant contra Gelasij & Leonis M. decreta. At habes ad hoc luculentum responsum in *i. de notis Ministeriorum libro.* Nos enim qui in una specie integrum Christum, & integrum Sacramentum ex institutione Christi credimus, vsum quoque siue vnius siue alterius speciei legiti-

*Sub una spe-
cie ministra-
re Eucharis-
tiam, non
est dissipare.*

De ordinatione Sacerdotum

timum ex ipsa Christi institutione deducimus: & æquè Christi institutio
nē pertinere ad vsum vnius speciei sicut ad vsum vtriusque. cūm æquè in
vna atq; in vtraq; specie Christum integrū, integrum Sacramentum, inte
grum Sacramenti fructum & effectum ex Chriti institutione habeamus.
Non igitur violatores sumus institutionis Christi, sed obseruatores; &
quidem magis quām vos Euangelici. nam vos in vtraq; tantū, institu
tionem Christi lequimini, nos autem tam in vtraq; quām in vna. Imo
nec in vtraq; vos Christi institutionem seruare conuincimus: siquidem
Christum ex vtraq; specie ejicitis, sine quo vtraq; species nihil valet nec
Sacramentum est, sed fallā existimatio Sacramenti. Cūm verò Gelasium
*Leo & Ge
lasius Ma
nicheos da
mnant, non
autem nos.*
& Leonem producis, qui nonnisi Manichaeorum superstitionem & ex
infidelitate hæretica procedentem, alterius speciei contemptione dam
narunt; Tu hoc ipsum ad veram & ex institutione Christi profectam
alterius speciei abstinentiam temere & falso detorques; quæ duo tantum
à se distant, quantum cælum à terra. Etenim Manichæi non credentes
Christum verum sanguinem assumpsisse, ac proinde nec nobis in calice
eundem verè reliquisse, abstinebant ab vsu calicis. quam ipsorum per
fidiam Gelasius & Leo Pontifices merito condemnarunt: & nos cum il
lis condemnamus. & ad eam tanto magis vitandam vsum vtriusq; spe
ciei fidelibus præceperunt. At quid hoc ad veram & ex institutione Chri
sti profectam ab altera specie abstinentiam? sed hæc loco citato habes
contra te copiosius.

Sextum argumentum.

*Sacerdotes,
et si in arti
culos illos Fi
gerent, sa
cerdotes esse
non defini
rent.*

IN sexto arguento aīs Pontificios sacerdotes impingere in orationem
Dominicam, Symbolum Apostolicum, & Decalogum, ideoq; legiti
mos ministros non esse. Insulsa argumentatio: non enim in veram Ora
tionem Dominicam, verum Symbolum & Decalogum impingunt, sed
in falsificatam & pessime à vobis intellectam & expositam orationem
Dominicam, Symbolum, Decalogum. quod est in ipsorum hæreticas
interpretationes impingere.

In particulari autem aīs impingere nostros in articulum *Credo in
Deum.* quia Sanctos inuocandoſ docent; quasi qui Sanctos inuocet non
credat in Deum. Si ita est non igitur credebat in Deum Paulus, cūm ro
ties orationes fideliū expeteret; inuocare enim Sanctos nihil aliud est,
quam

quam ut orent pro nobis postulare. Vos etiam non creditis in Deum, quia vos aliorum quoq; orationibus commendatis. Quod si id non concedes, Zaborouius non credit in Deum. aut in Deum. aut malè argu-
mentatur.

Zaborou; tuam expositionem illius articuli ; Credo in Deum, ipse con-
demnabis. ita enim credi in Deum vis, vt nullus præter Deum à nobis in-
uocari possit. Quod si credendo in Deum sanctos qui sunt in terra in-
uocare possumus, quia præceptum de credendo in Deum non excludit in-
uocationem aliorum, cur non sanctos in cœlo regnantes inuocare pari-
ratione possumus, cum præcepto de credendo in Deum aliorum inuoca-
tio non prohibeatur ? At acute argumentaris; Si inquit in Sanctos cre-
dant sunt maledicti, Ieremie 17. 5. Maledictus enim qui confidit in homi-
ne ; si non credunt, inuocare illos non debent, dicente Paulo Rom : 10.

14. Quomodo inuocabunt in quem non crediderunt? Vtraq; illatio in-
falsa. Nam neq; nos propriæ loquendo in Sanctos credimus. in Deum enim eo sensu credere dicimur, quia credendo in eum tanquam in ul-
timum finem nostrum tendimus, & sumimam salutis nostræ in eo collo-
camus. quo credendi modo in Sanctos non credimus. Si tamen impro-
prio loquendi modo admittamus nos in Sanctos credere, quia Sancti sunt
suo modo nostri adiutores ad salutem, non idcirco maledictioni subia-
cemus; que non datur apud prophetam, nisi in eos, qui relicto Deo in
solo homine confidunt, & (vt mox addidit Ieremias) carnem ponunt
brachium suum. Nos autem, cum Sanctos inuocamus, non humana
aliqua ope confidimus, nec carnem ponimus brachium nostrum, sed
eo veluti medio utimur ad diuinum auxilium per Sanctorum preces
obtinendum. Quare cum Sanctos inuocamus, tunc maximè diuinum
auxilium postulamus, cum non solum precibus nostris, sed & precibus
Sanctorum illud obtainere satagimus. Alioqui dic, Zaborou, cum tu ali-
orum in terra degentium preces postulas, confidisne in homine contra
præceptum Ieremie; & ponis carnem brachium tuum, vel non ? Si ita
est; maledictus es : sin minus; falso & stulte in nos execrationem detor-
ques ; cum non alia ratione nos in Sanctis in cœlo regnantibus confida-
mus, quam vos cum Sanctos in terra degentes inuocatis.

Altera queq; illatio non minus est inepta. Cum enim Paulus ad Roman: 10. agat de inuocatione Dei, vt ex versu præcedente patet; Omnis, inquit, qui inuocauerit nomen Domini, saluus erit. quomodo ergo inuocabunt, in quem non crediderunt ? Zaborouius inepte ad inuocatio-
nenm Sanctorum detorquet: cum per se manifestum sit inuocationem
Sanctorum ab inuocatione diuina esse diuersissimam. Non igitur, si ad

Credi quo-
dammodo in
Sanctos dic
possimus.

De ordinatione Sacerdotum

*Imploratio
ælitum Fi-
dem in ipso
z non exigit.*

inuocandum Deum requiritur Fides in Deum, sequitur ad inuocandos Sanctos requiri fidem in Sanctos. Neq; enim quicquid ad inuocationem diuinam quæ maior est, requiritur, requiri quoq; ad inuocationem ipsâ inferiorē par est. à maiori enim ad minus affirmariè consecutio non valet. Deum igitur vt Deum rite inuocare non possumus, nisi in eum credamus : & credendo in eum tanquam in ultimum finem nostrum, & primam salutis causam tendamus. quod ad inuocandos Sanctos non requiritur : ac proinde nec requiritur vt credamus in Sanctos, propriè loquendo : sed satis est si Sanctos esse amicos Dei credamus. Alioqui dic, Zaboroui, cùm tu Sanctorum in terra preces inuocas, an credas in Sanctos, vel non? Si credis, quomodo ergo id nobis obijcis quod ipse facis: si non credis, quomodo inuocabis in quem non credidisti? Expedi nodum hunc, & solutionem tui argumenti habebis.

Ait secundò nostros impingere in articulum de Christo concepto, nato, passo, crucifixo, & mortuo: quia nimirum *Christus mortuus est propter peccata nostra, resurrexit propter iustificationem nostram.* Rom: 4. 25. Sacerdotes autem Pontificij in Sanctorum & proprijs meritis iustitiam & salutem querendam docent. Scilicet, Zaboroni, candidè nostrum dogma citas. Vt verò te errore liberem, dic age obsecro, cùm ait *Christus passum esse propter peccata nostra, & resurrexisse propter iustificationem nostram,* an hoc ita intelligas, vt patiendo pro nostris peccatis, nihil nos agere voluerit; nec illa opera nostra ad remissionem peccatorū obtinendam requisuerit. Si ita est, non erit igitur opus ad remissionem peccatorū consequendam Fide in Christum, timore iudicij diuini, spe misericordiæ diuinae, pœnitentia & dolore peccatorum, deniq; conuersione mentis ad Deum per dilectionem & amorem; frustraq; sacræ literæ nos ad hæc & similia opera incitant consequendæ veniæ causa. Quod si passio Christi ista non solùm non excludit, sed etiam requirit, tanquam media præparantia nos ad remissionem obtinendam; quis non videt ad iustificationem & salutem opera nostra ex fide & gratia diuina procedentia momenti habere plurimum? non quidem ita vt gratiam iustificationis promereamur (quid enim peccator apud Deum merci potest, qui omni bono indignus est?) sed vt per illa tanquam per media & dispositiones ad Dei gratiam & iustificationem præparemur. Sicut enim, non obstante quod Christus passus sit propter peccata nostra, per Sacra menta, tanquam per media à se instituta, remittit nobis peccata: ita non obstante quod passus sit pro nobis, per nostra opera ex Fide & gratia ipsius procedentia,

*Fiduciamor
is Christi nō
impedit fidu-
ciam opis ce-
ditum.*

*neg̃ nostras
actiones san-
ctas.*

dentia, remittit nobis peccata. In hunc enim finem nos ad talia opera per gratiam suam excitat & impellit, ut nos ad iustificationem tandem promoueat & perducat. Non potes igitur negare, Zaboroui, passioni Christi sua media, per qua operatur. vnde consequetur ita ē passione Christi quārēdam esse iustificationem, vt nostris quoq; operibus, non *h.e.n. mortē* tanquam meritis, sed tanquam medijs ad remissionem obtainēdam. *Christi in* sit locus; & ab operibus tanquam à medijs a Christo requisitis quārēdam esse tuo modo remissionem peccatorum. Falsum igitur est, & *nobis effica-* *cemreddūt.* calunnia mera, cūm obiicis nos in meritis nostris aut Sanctorum remissionem peccatorum quārere. nos enim non solum id non sentimus, sed anathema dicimus omnibus, quiita sentiunt; solumque opera nostra secundum scripturam vim mediorum non meritorum habere ad nos ad remissionem obtainēdam disponendos affirmamus. Quod etiam non quibusuis operibus tribuimus, sed iis duntaxat quae ex Fide & gratia Spiritus S. in nobis oriuntur. Talibus enim operibus vim ad remissionem peccatorum tribuere, est eam passioni Christi, ex qua talia opera omnem suam vim sortiuntur, tribuere.

Quāmuis autem per merita nostra nos iustificari negemus: fatemur tamen post iustificationem in hominibus iustis opera meritoria virgater nā, quibus vita æterna tanquam merces & corona iustitiae debeat, in- *Mors Christi* ueniri. quod non solum vim passionis Christi non minuit; sed eam il- *in nobis gi-* lustrat & magnificat. Hic enim est singularis passionis Christi fructus, *gnit actio-* vt non solum nos reddat Deo gratos & verè iustos; sed etiam vt opera *nes dignas* nostra, quae tanquam iusti ex gratia Dei facimus, sint Deo grata & præ- *præmio.* mio digna; cūm sint in Deo & propter Deum facta; ita vt omnem suam vim ad merendum ex passione Christi accipient.

Vos Lutherani, & Caluinistæ, vim omnem passionis Christi euertitis; cūm docetis totum Christi sanguinem & omnia Christi merita id efficere non posse, vt verè à peccato liberemur; sed solum vt peccata nostra iustitia Christi contegantur verè tamen in nobis ad finem usq; vi- *Heretici* tæ maneant. Hac est pudenda illa doctrina vestra orbi Christiano ante *moriē Christi* nunquam auditæ, & ad omnem virtutem passionis Christi funditus euer- *stī euacuāt.* tendans nonnisi Dæmone ipso auctore excogitata. Similiter eundem passionis Christi fructum operibus quoq; negatis; cūm ea quantumuis sancta & perfecta videantur, esse peccata mortalia, & mereri iustum op- probrij mercedem cum Luthero & Caluino docetis. Quomodo enim, Deus bone, Christus pro peccatis nostris passus verè creditur, si nos in



De Ordinatione Sacerdotum

peccatis reliquit? & vim nobis bene operandi & à peccato resurgendi non promeruit? neq; aliam nobis iustitiam nisi imputatiuam, quæ est velamentum non abolio malitiae, concessit? In vos igitur vestra ipsorum confessione id retorqueri merito debet, quod articulum de passione Christi penitus non creditis; cum vim illius omnem in vobis & in operibus vestris negetis. Plura de hac re habes in tuam gratiam scripta libro 2. de notis Ministrorum.

Porro, cum Augustinus librū de gratia & libero arbitrio eo sine scripsit; vt merita nostra non ex viribus nostris, vt Pelagiani volebant, sed ex gratia Dei procedere scripturarum testimonij comprobaret: mirari satis non possum aduersarios infidelissime Augustinum pro sua parte adducere truncatis eius verbis; cum is solū merita ex viribus naturæ contra Palagianos oppugnet; sententiam vero Catholicam de meritis ex Dei gratia procedentibus multis scripturis confirmet. Nam si dicat Zaborius nostris operibus mercedem dari ex gratia, non ex debito: primum repugnat scripture, quæ mercedem reddendam operibus: *anquam coronam iustitiae à iusto iudice testatur;* 2 Timoth. 4. 8. quod si redditur ex iustitia, redditur ex debito. Non enim iniustus est Deus, ut obliuiscatur operis nostri. Hebre. 6. 10. quibus verbis indicat ita Deum reddere operibus mercedem, vt nisi redderet iniustus esset. Repugnat & rationi, merces enim promissa sub conditione operum inducit obligationem & debitum iustitiae. Cum ergo Deus promiserit operibus nostris mercedem, seipsum promissione & pacto debitorē nobis ex iustitia fecit. Quanquam & merces, quod à Deo sit promissa, magna Dei misericordia dici debet; sponte enim & ex gratia promisit, & se debitorem fecit: & merita nostra cùm sint dona eius & ex gratia ipsius procedant, gratia Dei merito dicuntur diuersoq; respectu sunt & gratuita & meritoria. gratuita, quantum ex gratia procedunt operante in nobis & velle & perficere: meritoria quatenus ex pacto Dei de reddenda mercede proficiuntur. Recte igitur loco citato August. Cui, inquit, redderet coronam iustus iudex, si non donasset gratiam misericors Pater? & quomodo esset ista corona iustitiae, nisi precessisset gratia, que iustificat impium? Quomodo ista debita reddeatur, nisi prius illa gratuita donaretur? Neq; respicit quod serui inutiles dicimus in scriptura, postquam omnia fecerimus: licet enim opera nostra nihil utilitatis Deo afferant, quod Deus nullius sit indigens; tamen postquam deducta sunt in pactum cùm promissione mercedis, debetur illis ex iustitia merces.

*August. fru-
stra citant
fibi contra-
rium.*

*Nostris acti-
onibus san-
ctis debetur
merces à
Deo.*

*eademq; est
merita libera-
tias eius.*

In Ecclesia Romana.

19

Iam verò in articulum de Ascensione Christi impingere nos satis
insulsem docet, quod Christum in terris in Eucharistia ostendamus. quasi
vel ista sint contraria, vt diuinâ virtute idem corpus in cœlo & in terra
simul existere non possit; vel cum articulo de ascensione Christi in cœ-
lum non sit coniungendus alter articulus de vera & reali Christi præsentia
in terris in Sacramento. Quemadnodum vero nos qui hos duos articu-
los coniungimus reprehendi iure non possumus: ita vos qui eos sciungi-
ris; & alterum de reali præsentia prorsus negatis contra scripturas
& vniuersæ Ecclesiæ Fidem, maxima estis reprehensione digni. Non
minus etiam inepte ex eo, quod Christus in cœlo Aduocatus noster sit,
infert Zaborouius; nos, cum Sanctos quoq; intercessores habemus, Chri-
stum esse Aduocatum nostrum non credere. Nam simili ratione Zaboro-
uius quoq; cum suis Christum aduocatum abnegare conuincetur; quia
Sanctos in terra intercessores adhibet, eorumq; preces exposcit. Impe-
ritè vero Christi principalis Aduocati officium Sanctorum intercessione
euerti putat: cum Sancti non nisi per Christum, & in nomine Christi
ac per eius merita petant quicquid petunt à Deo; vnde potius Christi
supremi Aduocati dignitatem extollunt & amplificant, quam diminu-
unt & ei præjudicant.

In alium quoque articulum, quo creditur Ecclesia Catholica, nos im-
pingere insuffissimè ostendit; quod Ecclesiam videre non credere volu-
mus, & statuamus Ecclesiam Christi esse visibilem. Verum talpa cæcior
est, qui Ecclesiam Christi, quæ est ciuitas super montem posita; &c, vt ait
Augustinus, *abscondi non potest*, non videt. Quis enim non videt Chri-
stianorum cœtum Fidem Christi Catholicanam per orbem vniuersum pro-
ficiunt? Si enim nemo negauerit omnes Republicas, in quibus ho-
mines ab hominibus gubernantur esse visibles; cur negare poterit oves
Christi visibiles à visibilibus pastoribus gubernatas esse Rempublicam
visibilem? Illud vero quam in eptum; si Ecclesia videtur, non igitur cre-
ditur. Nunquid enim Christus non videbatur simul & credebatur, *quia*,
inquit, *vidisti me Thoma, & credidisti*. Nam quod ait, *Fidem esse argu-
mentum non apparenium. Hebr: ii. 1.* id non concludit non posse idem
videri simul & credi. Sunt enim plurima quævidentur & creduntur;
sed solum in iis quævidentur contineri semper aliquid inuisibile. Sic in
Christo homine visibili diuinitas latebat inuisibilis. Sic & Ecclesia visi-
bilis, quatenus à pastoribus visibilibus diuina & inuisibili cooperante vir-
tute gubernatur, est inuisibilis; simpliciter tamen visibilis est, *quia & ho-*
mo sim-

Christum
esse in cœlo,
& in Eucha-
ristia;

esse Aduo-
catum no-
strū, itemq;
beatos, ni
repugnat.

Ecclesia
Christi aspe-
ctabilis est.

& tamen
credenda.

De ordinatione Sacerdotum

mo simpliciter visibilis dicitur, etiam si animam inuisibilem habeat. de quo plura in nostrō 2. de notis Ministrorum libro.

Remissa peccata alicui nominatum non est creditendum.

nisi id sit reuelatum diminutus.

Denique ait nos in articulum de remissione peccatorum impingere: quod solum in generali credamus hominibus verē pœnitentibus remitti peccata; non verō Fide speciali huic vel illi in particulari certō remissa esse peccata. O quam futilis probatio! Etenim vbinam in Symbolo dicitur, Credo remissionem peccatorum huic vel illi in particulari factā? Vbi verō Christus cuiquam in particulari absolute promisit remissionem peccatorum, & non nisi sub conditione Fidei, Spei, Pœnitentiae, & conuersationis in toto corde ad Deum? cui verō reuelatum est in particulari quod eas omnes conditions, prout eas Deus ad iustificationem requirit, perfectē habeat. alioqui si id reuelatum non est, credi Fide diuinā non debet, ac proinde nec remissio illa peccatorum specialis, quae ab hac conditione dependet, fide diuina credi potest. Paulus sanè etiam si sibi nihil conscius esset, se tamen non ideo iustificatum esse pronuntiat eo argumento, quod is qui me, inquit, iudicat, Dominus est. hoc est, aliquid in me deprehendere potest, quod ipse non deprehendo. Nunquid igitur Lutherani oculatores sunt Paulo, ut diuinum iudicium vereri non debeant, ne in factis illorum aliquid deprehendat, quod ipsi non deprehendant? Apage stultias tales.

Demones remissionē peccatorum non credunt ut nos.

Ridiculē verō producit ad suam causam tuendam Dæmonum exemplum. quos ait in generali quoq; remissionem peccatorum credere; unde infert nostram fidem à Dæmonum fide non differre. Sed quām imperitè! Nunquid enim Demones credunt in generali sibi remittenda per Christum peccata sicut nos credimus? Deinde nunquid, cūm Demones credant ut & Lutherani Christum esse verum Dei Filium, propterea conceder Zaborouius. Lutheranam fidem non esse differentem à Dæmonum fide? quis hanc inferendi inscitiam non rideat? Denique satis constat apud bonos Theologos in Dæmonib. esse fidem naturalem non supernaturalem, quæ donum Dei & fides salutaris dicitur. quod eam Dominus ad salutem requirat. Enquot modis nihil ad rem loquitur Zaborouius?

Non minori quoq; ineptitudine nos in Orationem Dominicam impingere docet: primum quod Oratio Dominicā ad solum Deum dirigitur; *Pater noster, qui es in cœlis:* nos vero ait docere eandem orationem Sanctis quoq; fundi. pro quo citat *Censuram Colonensem* fol: 208. & *Canisium* in opere *Catech.* fol: 81. & 82. Verum traducit auctores istos.

Istos Zaborouius ; & suam interpretationem crassam contra omnem ipsorum mentem ipsis impingit. Neque enim eo sensu orationem Dominicam fundi ad Sanctos dixerunt, ut Sancti dicantur in oratione Dominicana Patres nostri qui sunt in celis, vt Zaborouius pro sua synceritate illis imponit : sed alio optimo sensu, vt nimis nimurum Sancti ea, quae in oratione Dominicana postulamus, nobis a Deo impetrent : vel ut Deus propter Sanctos suos eadem nobis concedere dignetur. Vtique enim modo orationes ad Sanctos fundimus, vel ipsis orando ut pro nobis orent ; vel Deum orando ut propter Sanctos suos quae postulamus, concedat. ad eum modum quo in veteri quoque testamento oratum legimus. Hoc igitur duplice sensu & fine orationem Dominicam fundi ad Sanctos dicti auctores dixerunt. Interpretatio vero quam illis affingit Zaborouius, mera calunnia est.

Alterum est ; quod in oratione Dominicana panem nostrum quotidianum mendicato a Deo postulamus. nos autem ait vitam aeternam meritis nostris debitam docere. At dicat Zaborouius, an ita panem nostrum quotidianum a Deo petamus, vt eum sine nostris laboribus mere de cœlo lapsum expectare debeamus. Si ita est, non igitur serendi agri erunt : nec in sudore vultus panis querendus ; sed miraculosi panes de cœlo expectandi : si vero petitio & mendicatio nostra non excludit labores nostras & merita, non potest nisi ineptissimus ex ea petitione inferre aliquid contra merita nostra : nam etiam merita nostra sunt dona Dei : & a gratia Dei profiscuntur. Deus enim dat omnibus velle & perficere. Cum vero Augustus (licet falso) citas in Psal: 31. dicentem: *Si Deus daret quod mereris, utique damnaret: non dat tibi debitam paenam, sed donat indebitam gratiam.* an non res ipsa loquitur, Augustinum de peccatore nondum iustificato loqui, cui pro peccatis non debetur nisi poena, & ex Dei misericordia non ex ullis meritis eius datur ei indebita gratia ? Sed tuum est ingenium, Zaboroui, extra rem loqui, & sententiam Catholicam traducere, quasi assenseris ex meritis nostris dari nobis gratiam iustificationis, quia ex peccatoribus efficiuntur iusti ; quae est ingens in nos calunnia, quia in peccatoribus merita ante iustificationem non agnoscamus : in iustis quidem agnoscimus, qui postquam iustitiam adepti sunt secundum iustitiam operantur ; eos enim dicimus posse diuinâ inuante gratiâ efficere opera digna praemio aeterna vita, quibus vita aeterna ut merces, ut corona iustitiae, ut retributio debeat, ut Scriptura testatur. Quod vero te falso citasse verba Augustini dixi, id clarum est. Quod enim Augustinus de

Precatio Dominicana non tribuitur cœlibibus, ut
Deo.

Petere simili & mereri aliquid a Deo.

Non meritis, sed iustificationem.

De ordinatione Sacerdotum

*Impostura
in cit: auto-
ribus.* operibus malis dixit, tu vniuersè de omnibus meritis Augustinum facis locutum. Augustinus enim ita ait; *Si quod debetur illis operibus malis Deus redderet, utique damnaret: stipendium enim peccati mors.* Tu vero finis Augustinum locutum; Si Deus daret quod mereris, utique damnaret; vt sic omnia merita damnaesse Augustinum induceres. An non hoc fallare est Sanctorum testimonia?

Tertium est, quod per eam orationis Dominicae partem, qua dicimus; *Dimitte nobis debita nostra,* non ita oremus ut debemus. Si enim sine Fide oramus, nil obtinebimus. si cum Fide, illa vel erit generalis, vel specialis: generalis non sufficit, quia & in Dæmones cadit, qui credunt & contremiscunt: specialis vero à vobis, inquit, non admittitur, sed præsumptio hæretica à vobis nominatur. ex quo concludit, nos sine Fide dicere; *Dimitte nobis debita nostra.* Sed absurdè non enim alia ratione credenda nobis est remissio peccatorum, nisi vti nobis à Christo promissa est. Promissa vero à Christo est non absolute, sed sub conditione eorum actuum quos Deus à nobis ad iustificationem requirit; nempe, Fidei, timoris, spei, pœnitentiae, dilectionis. Cùm igitur nulli Deus in particulari reuelet ipsum habere illos omnes actus ea perfectione quâ ad iustificationem requiruntur; consequens est nullum posse Fide diuina absolute credere sibi esse remissa peccata; sed sub conditione duntaxat actuum ad remissionem peccatorum à Deo requisitorum. *Quis enim potest dicere; Mundum est cor meum, purus sum à peccato?* Prover: 20. 9. Generali igitur Fide tantummodo credimus nobis remitti peccata, quia firmissime credimus Deum daturum nobis remissionem peccatorum, si nihil ex parte nostra defuerit, hanc porro Fidem generalem Dæmones non habent; quia nec in generali, nec in particulari credunt Deum sibi remissurum peccata; nec absolute, nec sub conditione. Quare locum Iacobi; *Credunt & contremiscunt, impertinenter more suo adducit Ziborouius.* neque enim in eo dicitur Dæmones credere remissionem peccatorum; sed credere Deum vnum esse, vt ibidem S. Iacobus ait.

*hoc est Fide
generali, &
conditione
certa.* Merito igitur Fides illa specialis, quâ Lutherani credunt tam certò sibi nominatim esse dimissa peccata, quam certò credunt Deum esse trinum & vnum, dicitur à nobis præsumptio hæretica. Quanta enim temeritas est, id tanquam reuelatum à Deo credere, & eadem certitudine quâ cæteros Fidei articulos, quod Deus nunquam reuelauit; & cuius certitudinem conditionatam solum esse voluit? *Quocirca cùm Catholici secundum Scripturas credant dimitti sibi peccata sub conditione actuum requisitorum, eæ*

rum, eâ Fide petunt in oratione Dominica sibi remitti peccata quâ debent. At Lutherani & Caluinistæ cum falsa Fide speciali, & contra Scripturas id petunt; ipsi igitur in oratione Dominica turpiter impingunt, non nos.

Verum quid moror? anné vos Lutherani petitis peccata vobis à Deo *Heretice-*
verè remitti? an non id est directe contra vestram doctrinam, quâ doce-*tunt nō att-*
tis peccata non auferri à nobis sed tegi? vos igitur sacrilegi violatores *ferri à se*
estis orationis Dominicæ, cum ficte oratis vobis remitti peccata. Petitis *peccata*,
enim eo sensu, vt verè in vobis maneat usque ad mortem, & solùm iu-
stitia Christi contegantur. Audi Augustinum in eum quem citasti 31
Psalnum de hac re loquentem: *Non sic intelligatis quod dixit; Peccata*
cooperta sunt, quasi ibi sint & viuant. Tecla ergo peccata quare dixit? ve
non viderentur. Quid enim erat Deum videre peccata, nisi punire peccata?

In Decalogi quoque tria præcepta nos impingere summa temeritate asserit. Primum præceptum est; *Non habebis Deos alienos*: in quod nos impingere eo argumento probat, quod tot Deos, quot Sanctos statuamus. *Quid incredibilius?* neque enim tantum terra à cœlo distat, quantum Sancti à Deo. At, inquit, cui attribuuntur attributa Dei essentialia eidem essentia diuina tribuatur necesse est. Recte sanè. Vos, inquit, Sanctis tribuitis attributa Dei essentialia, vt est cordium nostrorum inspectio, fiducia opis ipsorum, & imploratio. *Hic*, Zaboroui, aut non intelligis quod loqueris; aut vehementer erras. Peto enim an virtute diuinitus conces-*Arcana mē-*
sa cor hominis inspicere sit attributum essentialie Dei, vel non. Si affir-*tiūm nosse*
mes, sequetur Deum sua attributa essentialia posse communicare, & reue-*alieno au-*
ra communicasse hominibus, quoties illis humanorum cordium secreta *xilio nō fa-*
manifestauit. Si vero neges; teipsum condemnas. qui asseris nos attributa *cit Deum.*
Dei essentialia tribuere Sanctis: quemadmodum enim homines illi ex ea cordium inspectione, quæ fiebat non propria illorum virtute, sed virtute diuina dij non erant; ita nec Sanctos ob similem inspectionem cordium sequitur Deos esse, aut essentialia Dei attributa habere. Non enim quæcunque inspectio cordium est essentialie Dei attributum, sed ea tantummodo, quæ fit virtute propria & non alterius. Si tribueremus Sanctis quod virtute propria & naturali corda inspiciant, verè tribueremus eis id quod est Deo essentialie: at cùm tribuimus solum diuina virtute id facere posse, quis non videt calumniam nobis obijci, quod aliquid Dei essentialie Sanctis adscribamus?

Similiter fiduciam collocare in aliquo tanquam in prima & pri nicipali causa salutis est solius Dei proprium: at fiduciam collocare in aliquo

De ordinatione Sacerdotum

Ratio fiduciae opis cœlum reputat Deo.

non tanquam prima causa salutis, sed tanquam media, id non solum non est proprium Dei; sed Deo nullo modo conuenire potest. Deus enim quā Deus, non est media sed prima salutis causa. Quare si in Sanctis tanquam in media causa, seu tanquam in intercessoribus ad Dominum fiducia collocatur, nullo modo sequitur, id quod est essentiale Deo, Sanctis tribui. Confidimus enim in Sacramentis, in Scripturis, in orationibus viuentium; neque tamen quisquam dixerit essentiale Dei attributum aliquod istis tribui.

Dic, Zaborou, an cūm exemplo Pauli petis orationes viuorum in terra fiduciam in ipsorum orationibus collocas aliquam vel nullam? Si nullam; stultus es, qui petis id ex quo nullum utilitatis fructum speras: & illi non minus stulti sunt, qui pro te orant; cūm nullam tibi suis orationibus utilitatem se allatuos sperant. Si vero fiduciam aliquam in illis reponis, ergo vel attributum essentiale Dei eis tribuis, quod sacrilegum est; vel si non tribuis falsum erit quod asseruisti, nos fiduciam aliquam collocando in Sanctos attributum Dei essentiale illis tribuere. Talem enim fiduciam in precibus illorum ponimus, qualem tu concedis ponendam esse in viuorum precibus. Simili ratione cūm inuocationem asseris esse attributum essentiale Dei, peto an cūm inuocas Sanctos in terra tribuas illis attributum essentiale Dei? Si non tribuis, cur nos calumniaris id Sanctis in cœlo regnantibus tribuere? Inuocari enim tanquam intercessorem ad Deum non est Dei proprium, immo nullo modo Deo conuenit, sed solum inuocari, tanquam primam & principalem omnium honorum causam, inter attributa Dei propria referendum est. Patet igitur Zaboroum aut non intellexisse quae essent attributa Dei; aut per calumniam nobis objecere voluisse quod nunquam dicimus; neque ex dictis nostris consequitur.

Contra secundum Præceptum de non faciendo sculptili ait nos peccare, quod imagines faciamus & adoremus. At errat, nec quid illo præcepto (quod primum est non secundum) prohibeatur intelligit. Sculptile

1. enim quod pro Deo adoratur ibi prohibetur; nam mox adiungitur; ut

Imagines Catholice non vertite 2. adores illud: at imagines Catholicae pro Deo non adorantur; sed Deum adorandum representant. non igitur nisi imperitissime dici potest eas præcepto illo prohibitas: alioqui quomodo Deus in imagine & specie humana tam sèpè hominibus apparuit? quomodo Spiritus sanctus in image columbae videndum se præbuit? quomodo vero Deus imagines Cherubim in templo Salomonis fieri præcepit? at neque natura ipsa fert, ut

Deum

Deum aliter nisi in imagine concepta expressum adoremus vel cogitemus. Tribuimus nos quidem aliquam venerationem imaginibus, tanquam signis rerum sacrarum, sicut & Scripturis, & Euangelio, & nomini IESV, ob sanctitatem quo omne genu flectitur. & Arcæ tanquam scabello pedum Dei adorationem tribui vult scriptura propter sanctitatem ipsius; *Adorare*, inquit, *pi* tanquam scabellum pedum eius. *quia sanctum est*. at nunquam dicimus imagines signa non ipso Deo adorandas, quod solùm in sculptili adorando prohibetur. *sa diuinis*.

Frustra verò producit Zaborouius Concilium Elibertinum, quod neq; *tas.*
ab Ecclesia est approbatum: & errores plerosque continet: & magis facit contra aduersarios quam contra nos. in eo enim nil aliud prohibitum est, quam ne in parietibus imagines pinguerentur, quod id eo tempore & loco videretur illis nouendecem Episcopis indecens quid continere. alias verò *Cociliū est* *non probatū* *ab Ecclesia* *non est con-*
imagines in parietibus non pictas Concilium non prohibuit, *Ne*, inquit, *colitur in parietibus depingatur*. quae ratio indicat Christi & Sanctorum imagines & depingi, & adorari tunc solitas, & propter honorem illarum prohibitum esse ne in parietibus pinguerentur, ne parietum humore vitia contraherent & contemptibles redderentur. Quocirca Concilium illud nec omnes vniuersè imagines vetuit, sed in Ecclesiæ parietibus pictas: neq; ideo yetuit, vt cultum & venerationem prohiberet, sed potius vt vindicaret & promoueret. Simili ratione cum producit factum Epiphanij ex epistola ipsius ad Ioannem Ierosolymitanum, qui velum in templo pendens conscidit imaginem hominis cuiusdam Sancti depictam habens, producit rem supposititiam. Nam Epiphanij epistolam illam vertit in Latinum S. Hieronym. sine talis exempli additione. Vnde, sicut pleraque alia in libros Epiphanij ab hereticis inserta fuerunt ita & hoc ad eundem numerum pertinet. sed plura de hoc sub finem libri. Miror autem Zaborouium nihil solidè verum sed apocryphum & nullius fidei pro sua sententia producere potuisse. Nam & Laetantius simulacra Daemonum non veras Christi vel Sanctorum imagines damat, *libro 2 cap: 9.*

Tertium præceptum, in quod nos impingere ait, est; *Non concipi-
fcer*. quod nos concupiscentiam post baptismum peccatum esse negemus. Sed falsò & infideliter proponit nostram sententiam. Nos enim voluntate concupiscentiam carnis, nisi voluntas in eam consentiat, peccatum esse renidente negamus tam ante quam post baptismum. quo quid verius, quid & Scripturis & rationi conformius? Christus nos docuit ex corde generari peccatum; & cor esse propriam peccati sedem; *ex corde enim excidunt homi-
cidia*.

De ordinatione Sacerdotum

celia, adulteria, quæ coinquian t hominem. Ratio etiam omnis reclamat, ut id noltræ culpæ tribuatur, quod inuitis prorsus nobis, & voluntate renitente accidit. Lutherani vero eò stultitia deuenerunt. ut concupiscentiam carnis etiam voluntate reluctante peccatum esse dicant; non solum improprie, quatenus ad peccatum inclinat, & ex peccato nascitur; sed proprie & vere, quatenus nos verè coram Deo peccatores, iniustos, & damnabiles facit, quo quid absurdius? At, inquit, Paulum post Baptismum

Carnis cupi-
ditas nō ve-
tatur sed
mentis. dixisse, *Rom: 7-7. Peccatum non cognouit nisi per legem: nam concupi-*
scientiam ne sciebam, nisi lex diceret; Non concupisces. Quid hoc ad rem? nam lex concupiscentiam prohibens non datur carni sed menti: ob quam causam dicitur à Paulo ibidem *lex mentis*, neque præcipit ut caro concupiscentias non sentiat; sed ne spiritus concupiscentiis carnis consentiat.

Vnde mox concludit Paulus: *Nihil ergo damnationis est iis qui sunt in Christo I E S V, qui non secundum carnem ambulant.* Licet enim concupiscentias carnis sentiunt; quia tamen non secundum carnem ambulant, nec iis obsequuntur, nullam damnationem vereri debent. Contra vos igitur, Lutherani, Paulus pronuntiat qui ex hominibus bruta facitis: & liberum arbitrium ad peccandum non requiritis: neque peccata per baptismum verè aboleri vultis; sed remanere & cum iustitia simul consistere, quæ quid sunt nisi mera opinionum vestrarum monstra?

Lepide vero Zaborouius argumentatur; Concupiscentia post baptismum vel discordat à lege Dei, vel cum ipsa concordat. Si discordat peccatum erit, quia peccatum nihil est, quām à v. u. / a. Si concordat, erit virtus. Quām acutè! quasi non possit dari aliquid quod nec discordet à lege, nec cum ea concordet, sed sit quid impertinens. de quo lex nihil statuat in vtramuis partem. Norunt enim Logici inter contraria dari medium posse. Talis vero est concupiscentia carnis, quæ ad carnem spectat. Per legem enim *Non concupisces*, neque præcipitur, neque prohibetur carni concupiscentia, sed menti; neque sensus legis est, ut caro concupiscentiam non sentiat, sed ne mens consentiat. Quare concupiscentia si ad carnem solum referatur nullo modo est contra legem *Non concupisces*: neque ab ea discordat: neque cum ea concordat: quia lex de illa nihil statuit carni, sed tantum menti. De qua re habes plura *in 2 de NOTIS MINISTRORVM libro.*

Septimum argumentum.

IN septimo arguento probat Zaborouius sacerdotes Catholicos verā ordinationem non habere, quod verā successionem Apostolicam nō habeant. Probat autem hanc successionem Apostolicam defecūle, non veris aliquibus & solidis documentis, sed mendaciis & fabulis variis de Pontificibus confictis, & in vnum consarcinatis. Quo genere probandi non solū successionem Romanorum Pontificum nō euerit, sed etiam stabilit magis ac confirmat. Cūm enim illam non nisi mendaciis oppugnare potest, eo ipso ostendit, se veras rationes ad eam oppugnandas non habere, ac proinde inuidam esse, namque mendaciis expugnari non potest. Primum igitur in eo peccat Zaborouius quod fabulas pro arguento adducit. Fabulae enim sunt de tot Papis Hæreticis, fabulae de Papa fæmina, quæ nisi toties à nobis refutata essent, non esset difficile veritate ipsa oculos aduersariis configere. Remitto te tamen, Zaborou, ad ea, quæ 2. de *notis Ministrorum libro*, de hisce fabulis aduersus te scripta spero breui lucem videbunt, aliquid tamen etiam hic in finem libri adiiciam. Secundò peccat cūm ineptè argumentatur; Si Papæ aliqui fuerunt Hæretici: si malis artibus ad Papatum ascenderunt: si multi simul Antipapæ fuerunt: successionem Apostolicam esse interruptam. Id enim minimè sequitur. Etsi enim daremus Papam aliquem hæreticum fuisse, et si malis artibus Papalem dignitatem obtinuisse; si tamen ab Ecclesia recepti & tolerati fuerunt, Pontifices veri fuerunt, licet digni essent, qui ab Ecclesia deponerentur & officio priuarentur. Tunc enim Ecclesia eos pro suis pastoribus agnoscebat, & illis se subiiciebat. Nam & in iure habetur iudicem intrusum si toleretur & communi vulgi errore pro legitimè cum Titulo habeatur, verè iudicis officium præstare, & ab eo gesta vim suam & robur obtinere. Si vero multi simul Antipapæ fuerunt, semper tamen unus ex illis declaratus ab Ecclesia fuit legitimus Papa, aliis cedentibus, quod successionem interrumpere minimè censi debet; nisi tempus sedis vacantis successionem interrumpere censeatur, quod sanximentis nemo dixerit.

*Fabellis op-
pugnant Hæ-
retici sacer-
dotium Ca-
tholicū.*

*Successio A-
postolica nō
est interru-
pta.*

Octauum argumentum.

INoctauo arguento probare nititur ordinationes in Ecclesia Roma- na non esse legitimas, ex eo quod non sint iuris diuini. Ordinationes enim

De ordinatione Sacerdotum

enim Presbyterorum nituntur, inquit, ordinatione Episcoporum : ordinatio Episcoporum nititur primatu Pontificis Romani : primatus vero Pontificis Romani nititur primatu S. Petri. Cum igitur, inquit, primatus S. Petri ex iure diuino probari non possit ; sequitur ordinationes in Ecclesia Romana esse iuris humani ac positivi ; ac proinde non esse ordinaciones veras à Christo institutas. Hæc omnia quæ futilia sint, & sine ullo fundamento à Zaborouio dicantur ostendi fuse contra ipsum in *2. de notis Ministrorum libro* : nunc tamen, vt ipsius argumentorum vanitas tanto magis pateat, non grauabor singula quæ obiicit refellere.

Argumenta Zaborouii contra primatum Petri.

PRIMUM est. Parem potestatem omnibus Apostolis Christus contulit : non igitur Petro super Apostolos primatum dedit. Omnibus enim Apostolis æqualiter dixit *Math: 24.19. Euntes docete omnes gentes baptizantes eos. &c. Ioan: 20.22. Accipite Spiritum sanctum quorum remiseritis peccata, remittuntur eis.*

Petrus maior aliis Apostolis: Miror sane Zaborouium, ea solum loca accepisse, in quibus Petri cum cæteris Apostolis paritas indicatur : ea vero dissimulasse in quibus assertur imparitas. Etenim sicut quæ adduxit æqualiter omnibus Apostolis dicta sunt : ita quod *Matthæi 16.* soli Petro præ cæteris Apostolis dicitur ; *Tu es Petrus, & super hanc petram edificabo Ecclesiam meam : Tibi dabo claves regni celorum :* eius imparitatem , & præ cæteris Apostolis primatum designat. vt validis & immotis argumentis loco citato à nobis demonstratum est. Singulare enim quid præ cæteris Apostolis Petro tunc præstitum est, sicut & singulari ratione præ cæteris Petri seu petræ nomen a Domino accepit : & singulari ratione præ cæteris Christum confessus est Filium Dei ; & singulari ratione illi tunc Pater cœlestis reuelauit ; atque ideo singulare quoque præmium retulisse censendus est. Neque vero, quod Petro soli collatum est, fuit postea factum commune cæteris Apostolis ; sed hoc priuilegium semper Petrus retinuit : neque Christus suam promissionem vñquam violauit, aut immutauit. Si enim totius Ecclesie Petra & fundamentum constitutus, aut faltem nominatus tunc fuit, præculdubio omnium Christi fidelium , ac proinde & cæterorum Apostolorum petra & fundamentum fuit: & primatum talem in Ecclesia adeptus est ;

est; vt ei omnes fideles, ac proinde & Apostoli subiacerent. Et licet Apostoli directione Petri ex accidente non egerent; quod à Spiritu sancto omnes dirigerentur; tamen, si Petri officium secundum se spectes, illud tale fuit; vt suam potestatem in omnes exercere potuerit: per accidens vero fuit, quod ea directione opus non esset. Hic est ergo ille primatus Petri, quo caput & fundamentum totius Ecclesiæ, ac proinde & cæterorum Apostolorum, effectus est ita: vt ratione officij non ille cæteris Apostolis, sed cæteri Apostoli ipsi subiacerent. Quare cum nullus Apostolorum præter Petrum constitutus sit vniuersæ Ecclesiæ petra & fundamentum; nullus etiam promissas habuit claves regni celorum: solius Petri hoc priuilegium erit iure diuino; & ex consequenti primatus Petri ex institutione diuina.

Par ergo erat potestas Apostolorum quo ad res faciendas: quia nihil circa fideles poterat facere Petrus, quod non cæteri quoque facere possent. at in modo potestatis erat imparitas. nam Petrus quæ faciebat, faciebat ratione officij tanquam petra & fundamentum totius Ecclesiæ ex officio institutus; cæteri vero Apostoli faciebant eadem, sed tanquam legati à Christo missi: vnde officium & primatus Petri in successores quoque transiit, quia hoc proprium est officij ordinarij, vt in eo succedatur: cæterorum vero Apostolorum officium cum fuerit per modum legationis ad posteros non transiit. neque enim legatis in officio legationis succeditur. Petrus etiam eam potestatem, quam in alios fideles communem cum cæteris Apostolis habuit, in ipsis quoque Apostolos exercere potuit; quantum est ex institutione & natura potestatis: cæteri vero Apostoli eam potestatem in Petrum ex officio exercere non potuerunt. Ea potestas item in solo Petro erat tanquam in capite, quo modo in cæteris Apostolis non erat. Assignamus igitur in paritate potestatis imparitatem duplcem: alteram, quæ ex officio ordinario sumitur; alteram quæ sumitur ex potestate in ipsis Apostolos: vtraque autem fundatur in illis Christi verbis; *Tu es Petrus. Et super hanc Petram edificabo Ecclesiam meam: Et potestas Petri dabo claves regni celorum;* solus enim Petrus inter Apostolos potestatem in vniuersam Ecclesiam habuit, tanquam petra & fundamentum eius ordinarium & perpetuum: solus illam habuit per modum clavium regni celestis, hoc est cum principatu, qui nomine clavium significatur: cæteri eandem potestatem clavium, sed non per modum clavium habuerunt, quia non cum principatu in Ecclesia, qui nomine clavium significatur. Recite igitur Hieronymus, in Iustinianum sic scribit; *Licer su-*

*& primæ
institutione
diuina.*

*Par aliis
quo ad res
agendas: im-
par in modo
potestatis.*

1.

2.

*que illi eti-
am in Apo-
stolos fuit.*

3.

4.

*Potestas Pe-
tri solitus, ut
fundamen-
tum: vi clavi-
geri celestis.*

De ordinatione Sacerdotum

per omnes Apostolos ex aequo fortitudo Ecclesie solidatur; tamen propter eam inter duodecim unus eligitur; ut capite constituto schismatis tolleretur occasio. Idem quoque Cyprianus agnoscit de simplicitate Praelatorum; *Hoc, inquit, fuit Petrus, quod & ceteri Apostoli; sed exordium ab unitate proficitur: & primatus Petru datur, ut Ecclesia una monstretur.*

Secundum argumentum est. Consenior principem pastorum supra se agnoscens primatum habere nequit: Petrus fuit talis consenior: *1. Pet. 5. 1.* Primatum igitur minime habuit. Non video quid hic nerui habeas, Zaborou, quid enim repugnat eundem & conseniorem esse uno respectu, siue collegam; quia cum ceteris senioribus gubernat: & ceteris senioribus præpositum esse alio respectu; quia est inter seniores summus? Ut enim summus sacerdos respectu aliorum sacerdotum & confacerdos dici potest; & summus sacerdos esse: ita & Petrus poterat esse diuersa ratione & consenior, & supra ceteros seniores: & vt minimum ea appellatio consenioris non euincit, ne possit inter omnes seniores dici summus. Nihil igitur valet tuum argumentum, Zaborou, ex Consenioris nomine dictum. Alioqui simili ratione probares Christum non fuisse Dominum nostrum, nec pastorem; quia omnes vocat suos fratres. *Heb. 2. 2.* Licet enim uno respectu vocet nos suos fratres propter communionem naturæ; alio tamen respectu est Dominus noster, & princeps omnium pastorum, propter principatum potestatis. Neque vero officit, quod Petrus supra se Christum principem pastorum agnoscat: non enim volimus Petrum habere primatum supra Christum, vel æqualem cum Christo, sed infra Christum: ita vt infra Christum ipse solus sit primus pastor omnium Christi in terra:

Tertium argumentum: Is qui primatum tenet in Ecclesia, nulli ratione tenetur dare facti sui. Petrus autem *Aetor. 11. 2.* dedit rationem Iudeis secum disceptantibus, quod introisset ad viros præputium habentes: non igitur primatum habuit. Hoc argumentum maioris distinctione dividitur. Et enim is qui primatum habet, cum nulli subiectus sit, nulli quoq; ex iustitia rationem facti reddere tenetur: hoc enim modo inferiores superioribus, & famuli Domini ad rationem reddendam sunt obligati. At ex æquitate & ad satisfactionem aliorum tenetur saepe etiam

Petrus non reddidit rationem tantum quam inferioribus, sed etiam superioribus rationem suorum factorum reddidit; illius facti præcipue, quo *Iudei*

Iudæi maximè offendebantur, quòd sanaret in die Sabbathi. de quo longam cum ipsis disceptationem habuit: neq; ea rationis redditione quam de sui primatus dignitate diminuit. Quid ni igitur Petrus quoq; saluo sui primatus honore idem Iudæis aduersus se disceptantibus facere potuit? Vides, Zaboroui, quām puerilia in re puerili obiicias?

Quartum argumentum. Primas in Ecclesia nulli paret, sed ipsi omnes parere tenentur. Petrus paruit Apostolis mittentibus se cum Ioanne in Samariam, vt dicitur *Act. 8. 24.* Ergo in Ecclesia primas non fuit. Hoc argumentum simili ut præcedens inscritia nititur. Nam, et si qui primas est nullius auctoritati subiaceat, neq; pro potestate ab illo mitti possit; tamen si ex communi consilio sponte ad missionem consentiat, aut seipsum offerat, quis non videt non solum parem à pari, sed etiam superiorem ab inferioribus hoc modo mitti posse? Hoc vero modo Petrum cum Ioanne missum esse ab Apostolis constat, non ex auctoritate Apostolorum in Petrum, de qua nulla ibi mentio est; sed ex communicato ad inuicem consilio. Nihil igitur missio Petri ipsis primatu præiudicat, nisi ex auctoritate aliorum in ipsum facta fuisse probetur quod probari nunquam poterit.

Quintum argumentum. Primi in Ecclesia nullus resistere potest aut debet. At Petro Paulus in faciem restitit; *Galat. 2. 11.* Non fuit igitur Petrus inter Apostolos primas. Distinguenda est maior. Etenim primati nullus ex auctoritate resistere potest, aut debet; quia primas nullius auctoritati subiicitur. At ex officio correptionis fraternali potest, superior enim ab inferiore corripi potest, iuxta leges correptionis à Christo datas *Matthei 18.* Hoc vero modo restitit Petro Paulus *Galat. 2.* nullum igitur ex ea resistentia solidum argumentum nec sit Zaborouio.

Sextum argumentum. Petrus nunquam se gescit, vt caput Apostolorum. Quid ita? quia cum Ioanne & Iacobo dexteras dederunt Societatis Paulo & Barnabæ, vt hi inter gentes, illi in circumcitione docerent. *Galat. 2. 9.* Quis ineptitudinem huius probationis non rideat? Anne, si secundum capitulum officium non exercuit, vt tu loqueris, inferri potest non exercuisse vñquam? Itane te Logici docuerunt, Zaboroui, ex vna particulari inferre vñiuersalem? Deinde quid mirum Paulo tunc dexteras societatis illos dedisse, vt ille inter gentes, Petrus inter Iudeos prædicaret? Sciebat enim Petrus Paulo ab ipso Christo id commissum fuisse, vt gentes docearet; quod ibidem Paulus *gratiam sibi à Deo factam* appellat: ubi vero Christus suam auctoritatem interposuit, Petrus nihil ex auctoritate facere debuit.

De Ordinatione Sacerdotum

debuit. Quām vero multa obseruarunt Sancti Patres, & praecepit Chrysostomus in Actis Apostolorum, in quibus Petrus primatum suum exercuit, & se caput esse Apostolorum ostendit! Etenim *Actorum 1.* tanquam paterfamilias cogit discipulorum cōtum: & vnum esse in locum Iudæ e-ligendum docet: *Actorum 2.* primus inter omnes Apostolos. Petrus pro-mulgat Euangelium Iudaëis: & prima sua concione conuerit tria millia: *Act: 3.* primum omnium miraculum in testimonium Fidei Christianæ fa-ciūt eis à Petro, etiamsi tunc simul adeset Ioannes: *Act. 5.* primus iudi-cium exercuit, & Ananiam cum Zaphira damnauit: *Act: 10.* primum om-nium cœpit prædicare gentilibus, sicut & ipse primus prædicauerat Iudaë-is. *Act: 12.* pro solo Petro in carcere constituto siebat oratio sine inter-missione ab Ecclesia: quod alius Apostolis in simili periculo constitutis factum non legitur. *Act: 15.* in concilio Ierosolymitano Petrus primus loquitur, & ipsius sententiam Iacobus aliiq; Apostoli sequuntur. Hæc, & alia S. Chrysostomus, & alii Patres primatus Petri indicia obseruarunt. Tantum igitur abest ut Petrus nunquam se vt caput gesserit, vt potius nun-quam non gesserit. quicquid enim faciebat, ex officio & cura summi & vniuersalis pastoris faciebat, sentiens sibi Ecclesiam vniuersam tan-quam petræ & fundamento à Christo instituto incumbere.

Non puto te iam adeò alienum à ratione esse, Zaboroui; vt non intel-ligas tuas sex rationes contra primatum Petri nihil cum ratione coniunctum habere: cum à quicunq; modo is rationis compos sit, dissolui facilē possint, & tamen thrafonico spiritu triumphas; & primatum Petri sub-ruisse iactas. Sed an contra primatum Papæ solidiora afferas, videamus.

Argumenta Zaborouii contra primatum Papæ.

Primum Argumentum. Cui Patriarchæ cæteri, reseruato tantum Primatu ordinis, priuilegiis omnibus exæquati sunt, ille non fuit primas ratione potestatis in Ecclesia: atqui Papæ Romano cæteri Patri-archæ priuilegiis exæquati sunt; Papa igitur Romanus non fuit in Eccle-sia primas. Minor huius argumenti est falsissima: eamque Zaborouius talibus testimoniis probat, ex quibus contrarium potius elicetur. Primum testimonium producit ex Concilio Niceno 1. c. 6. *Mos antiquus perdu-ret in Egypto, vel Libya, vel Pentapoli; ut Episcopus Alexandrinus horum:*

omnium

*omnium habeat potestatem. Quoniam quidem & Episcopo Romano parilis
mos est. Similiter autem & apud Antiochiam ceterasq; Prouincias honor
suus unicuique seruetur Ecclesie. Quid hinc, Zaboroui, elicis? Nam de li-
mitibus prouinciarum, ad quas gubernandas se extendere debeat Patri- Nemo exae-
archa Alexandrinus & Antiochenus audimus: quod vero Patriarchae *quatus Pon-*
subiici Romano Pontifici non debeat, non audimus. Neque enim ex tififici Max.
hoc, quod Patriarchae suas prouincias immediate gubernant, sequitur
eos non esse subiectos Romano Pontifici. quidni enim possint gubernare
suas prouincias, salua semper subiectione & obedientia Pontifici Roma-
no. Cum igitur hic Patriarchae non eximantur à subiectione & obedientia
Pontificis Romani: non potest ex hoc canone aliquid aduersus hanc
subiectionem & obedientiam inferri: & sic nihil probat Zaborouius.*

Verum non solum hinc nihil probari potest contra potestatem vniuer-
salem Romani Pontificis: sed etiam ea potestas ex multis colligitur.
Primo, quia Concilium initio canonis protestatum est se nihil velle im-
mutare vel diminuere circa primatum & potestatem Pontificis Romani:
sed eam saluam & integrum in omnibus conseruare. Ita enim hic canon
Nicænus citatur in Concilio Chalcedonensi, *act: 16. à Paschasio Episco-*
po; Ecclesia Romana semper habuit primatum: mos autem antiquus per-
durer. Habuit autem primatum potestatis in omnes Ecclesiæ etiam Ori- Papa propo-
entis, quam exercuit tum indicendo Concilia in Oriente: tum in conde- teſtate ſem-
mmandis Hæresibus: tum in excommunicandis Episcopis orientis, ut vel per agit cū
ex facto Victoris Papæ 190 anno post Christum, ante Nicænum Con- aliis.
cilium plusquam centum annis constat. Is enim Quartadecimanos Hæ- 1:
reticos condemnauit, quod Pascha cum Iudeis quartadecima luna cele- 2.
*brandum docerent; & Ecclesiæ Asiae propterea excommunicauit. cuius factum & decretum vniuersa probauit Ecclesia. de qua re Eusebius *s. His-*
*tor: cap: 23. August: hæref: 29. Similiter Stephanus Papa ante Concilium Nicænum damnauit in Africa hæresim de rebaptisandis iis, qui ab hæ- reticis baptisati sunt: & in Ecclesiæ Africanæ hæresim dictam promouentes decretum tulit. cuius decretum vniuersa Ecclesia recepit. Illum itaque primatum potestatis, quem Ecclesia Romana in omnes Ecclesiæ ante semper habuit, Concilium Nicænum intactum esse voluit: neque ei in suo decreto quidquam præiudicari voluit.**

Secundo, quia rationem, quod cæteri Patriarchæ iis limitibus prouinciarum contenti esse debent, eam adfert ex auctoritate Episcopi Romani: quoniam & Episcopo Romano parilis mos est, nimirum in gubernandis illis:

De ordinatione Sacerdotum

illis Ecclesiis per suos Patriarchas. Neq; sensus horum verborum est Romanico Episcopo parilem morem esse in gubernandis suis suburbanis Ecclesiis (quarum nulla ibi mentio facta est) sed in Aegypti Ecclesiis gubernandis per Patriarcham Alexandrinum. ac si diceret consueuisse Romanum Pontificem permittere, vt Ecclesiae illae gubernentur à Patriarcha Alexandrino.

Tertio, cùm Concilium Nicænum indictum esset iussu & mandato Sylvestri Papæ Romani, & ipsius legatis præsidentibus celebratum, & ab eodem postea ad ipsius Concilij postulationem fuit approbatum, qui fieri potuit, vt potestatem Pontificis, quam in illo ipso Concilio experiebantur, & cui se subiiciebant Patres Concilij, imminuere vellent?

Alterum testimonium adducit Zaborouius ex Concilio Constantinopolitano 1. c. 5. *Constantinopolitane ciuitatis Episcopum habere oportet, & primatus honorem post Romanum Episcopum, quod sit noua Roma.* Hic iterum nihil audimus de exæquatione potestatis, sed de ordine dignitatis post Romanum Pontificem Episcopi Constantinopolitani ante alios Patriarchas. Quocirca extra rem, vti solet, adduxit hoc testimonium; cùm ex eo non probetur id quod probandum erat. vnde verba solùm multiplicat non rationes. Quod autem Concilium Constantinopolitanum noluerit æquare Pontificem Romanum aliis, patet ex ipso Concilio, quod in Epistola ad Damasum Papam Romanum, quæ extat apud Theodoretum libro 5. Hist. c. 9. fatetur se ex mandato literarum Pontificis per Imperatorem missarum Constantinopolim conuenisse: & ibidem fatetur Romanam Ecclesiam esse caput, se membra. Quid clarius ad istas in Concilium columnias conuincendas?

*Agoscunt
Concilia po-
testatē Pa-*
pe.
Tertium testimonium adducit Zaborouius ex Concilio Chalcedonensi actione 16. *Perpendimus omnem quidem Primatum, & honorem præ-episcopum secundum Canones antiquæ Romæ Dei amantissimo Archiepiscopo conseruari: oportere autem Episcopum Constantinopolitanum eisdem primatibus honoris & ipsum dignum esse, & potestatem habere, ordinare Metropolitas in Asiana, Thracia, & Pontica diœcesibus.* Ex hoc testimonio nihil aliud concludere potest Zaborouius; præterquam Episcopum Constantinopolitanum habere quoq; primatus honorem in suis particularibus Ecclesiis; idque quoad ordinationem Metropolitarum, vt ab ipso tanquam à primate particulari ordinentur. qui primatus longè distat à primatu Romani Pontificis. Nam Pontifex Romanus habet primatum potestatis vniuersalem in tota Ecclesia: vti idem ipsum Concilium agnoscit;

in Ecclesia Romana.

31

seit; non quo ad ordinaciones Metropolitarum tantum, sed etiam quo
ad omnia, vocans illum *Episcopum Vniuersalem, actione 1. 2. & 3. imo &*
in hac ipsa actione 16. legati Pontificis expresse voluerunt hoc decretum
intelligi sine ullo praetudicio vniuersalis potestatis, quam habet summus
Pontifex in vniuersam Ecclesiam: neq; aliter à Pontifice approbatum &
ab Ecclesia receptum est; idemq; indicant Patres eiusdem Concilij in
Epistola ad Leonem Papam, cum agnoscent ei vineæ seu Ecclesiæ vni-
uersæ custodiam à Domino commissam; eiusq; prædicanter Apostolicam
Sanctitatem. Deinde Primatum potestatis in Episcopo Romano esse ex *eamq; ex*
institutione diuina.
institutione Christi: vti in dicta Epistola ad Leonem agnoscat Concilium
vineæ custodiam à Domino illi commissam afferens: Episcopo vero Con-
stantinopolitano primatus conuenit, non iure diuino, sed solum indul-
gentia, & permissione Concilij & participatione primatus Romani Pon-
tificis. qui fui iuris partem potest cui vult impertiri. Cūm igitur ita con-
cedat Concilium primatum Episcopo Constantinopolitano, vt nihil pri-
matui & potestati vniuersalis Episcopi derogetur; euidens argumentum
est nullo modo æquare in potestate Constantinopolitanum Episcopum
Romano voluisse; sed potius ei esse subiectum tanquam particularem
Episcopum vniuersali, ex ipsa institutione Christi primatum potestatis in
Ecclesia habenti. Et licer primatus inter Episcopos illius prouinciae Epi-
scopo Constantinopolitano concedatur, non tamen respectu Romani
Pontificis, cui tam Constantinopolitanus Episcopus quam alij Patriar-
chæ iure diuino sunt subiecti, tanquam vniuersali Ecclesiæ Episcopo;
quam potestatem vniuersalem cum agnoscat Concilium in Episcopo
Romano, idq; ex iure diuino; nullomodo censi potest voluisse aut po-
truisse eam abrogare. Nullo igitur modo probare potuit Zaborouius ex di-
ctis testimonii exæquationem Patriarcharum cum Pontifice Romano:

Secundum Argumentum.

Ad Primatem Ecclesiæ vndiq; appellare licet. Ad Papam vero vndiq;
appellare non licuit. Papa igitur primas Ecclesiæ non fuit. Minor huius
argumenti est falsissima & conuincitur testimonio Concilij Generalis
Sardicensis plusquam trecentorum Episcoporum, quod *in 4. & 7. Cap. Proiocatione*
non declarat iure appellari posse & debere vndiq; ad Romanum Pon- *ad Pont: Ro:*
tificem. Si hoc tibi testimonium, Zaboroui, non sufficit, quod est testimo- *libera sem-*
nium totius orbis & totius Ecclesiæ, nulla tibi testimonia sufficient: & per fuit tota
gamen pergis impudenter contra veritatem tam claram agere, volens so- *orbe,*
lemin.

De ordinatione Sacerdotum

lem in meridie obscurare. Quid vero obiicis? decretum ait esse *canone* 5. Concilij Nicæni, ut qui ab aliis excommunicatur, ab aliis ad communionem non recipiatur. Dic obsecro quonam modo hunc canonem intelligis? Etenim si putas Concilium prohibere ne quis ab inferiore excommunicatus ad superiorem recurrere, & causam suam agere possit: non solum malus iureconsultus es, sed etiam omni praxi Ecclesiastice repugnas; In tota enim Ecclesia semper licuit ab inferioribus ad superiores prouocare. Si vero canone dicto recursum ad superiorem prohiberi non potes asserere; te ipsum euertis. siquidem ex hoc canone elici non potest ne excommunicati ad alios superiores recurrent, à quibus absoluvi possint: sed tantum ut iij, qui potestate superiores non sunt, ab aliis excommunicatos non recipient. Ac proinde non potes obiicere prohibitum esse ad Romanum Pontificem recursum, cuius potestas suprema semper est habita; & ut minimum in hoc canone inuolui Pontificem nullo modo probari potest.

Ait in iudicium Episcopi inquirere iubet Concilium, non Papam, sed prouincialē Synodum. Primum erras. Concilium enim Papam non nominat: nec excludit. Deinde Concilium Nicenum statuit quidem pro ordinario remedio recursum ad Concilium Episcoporum quotannis bis in eum finem congregatorum. At cum Concilia non congregantur: aut in Conciliis ipsis congregatis iniquè agitur, uti saepe accidit: nihil de tali casu statuit Concilium Nicenum. Sardicense vero Concilium declarauit plenum ius summi Pontificis ut ad eum liceat appellare. Opponit etiam quosdam prouincialium Conciliorum canones, quibus recursus ad Romanum Pontificem prohibetur. Antiochenum C. 6. & 15. Mileutitanum *Canone* 22. verūt in primis quid valent Concilia particularia contra Generale Concilium Sardicense, quod ius Romani Pontificis tam expressè declarauit? Quid etiam valent canones quorumcunq; Conciliorum, nisi probentur à Papa? Dico tamen dicta Concilia non eo consilio tales canones sanxisse quod de summa auctoritate & potestate iudicandi Romani Pontificis dubitarent: sed quod cuperent Romanum Pontificem aliquid de suo iure remittere; quod is recursus illis prouinciis multa incommoda afferre videretur. non enim omnia quae licent expedient; cumq; potestatem Romano Pontifici ad ædificationem non ad destructionem datam intelligerent; malis suis ea ratione remedium quærebant: ut eum recursum ordinariè prohiberent, salua tamen semper potestate, & iurisdictione summi Pontificis. Id ita esse patet ex eo, quod dicta Concilia hos

*Concilia pro
uincialia nō
possunt de-
rogare acu-
menicis:*

*nec nisi pro-
bat a sum-
mo Pont. a-
liquam vim
habent,*

ilia hos canones potestati & voluntati Romani Pontificis submisserunt ; à quo datis literis postularunt ut moderationem omnem in ea re adhibere vellet : nunquam enim potestatem negarunt ; sed moderationem postularunt. ita inter cætera Concilium Africanum, cui subscripsit etiam Augustinus in Epistola ad Bonifacium Papam. Concilium quoq; Mileuitanum ad Innocentium Papam ita scribit ; *Quia te Dominus gracie sue principio munere in sede Apostolica collocauit: tantumq; nostris temporibus praeservat; vt nobis porcius ad culpam negligentie valeat, si apud tuam venerationem, que pro Ecclesia suggesta sunt iacererimus; quam ea tu possis, velfastidiose, vel negligentiter accipere: magnis periculis infirmorum membrorum Christi pastoralem diligentiam, quæsumus, accipere digneris.* vbi Pontificis & sedem Apostolicam , & officium pastorale in Ecclesia vniuersa, & suarum Ecclesiarum subiectionem agnoscit. Deinde in *Canone illo* 22. solum prohibetur Presbyteris & inferioribus Clericis, non autem Episcopis Romanis appellare : quod etiam Pontifex una cum omnibus Canonibus illius Concilij approbavit. Nihil igitur causam Zaborouij iuuant canones dictorum Conciliorum, cum ea Concilia potestatem summam iudicandi in Romano Pontifice agnouerint. Semper enim de iure licuit appellare ad Romanum Pontificem, saltem in grauioribus causis : licet de facto in causis ordinariis, quas per immediatos iudices terminari aequum erat, ex ipsis Pontificis Indulgentia & moderatione in certis prouinciis non appellaretur.

Opponit quoq; Zaborouius exemplum Fortunati, & Felicis, qui in Africa à Cypriano condemnati & depositi eti appellariunt & configurerunt ad Cornelium Pontificem Romanum, tamen eos iniquè appellasse probat Cyprianus in Epistola ad Cornelium lib. 1. Epistola 3. 1. quod his appellationibus subdola temeritate concordia Episcoporum collidatur. 2. quod ibi causa sit agenda vbi reus testes & accusatores habere potest ; id est in ea prouincia , in qua crimen ortum & admissum est. 3. quod, inquit, paucis desperatis & perditis minor videtur esse auctoritas Episcoporum in Africa constitutorum, qui iam de illis iudicauerunt. Verum expendat Zaborouius Cyprianum non eo arguento ad iniquam appellationem ostendendam vsum esse, quod in Romano Pontifice non esset auctoritas tales causas cognoscendi & iudicandi, quæ suisset maximè expedita ratio appellationem impugnandi: sed aliis argumentis ostendit expedire ut remittatur ad suum immediatum iudicium , nec illis fides habeatur. Aliud enim est de iure non posse fieri appellationem . aliud non

Cyprianus
nō oppugnat
prouocatio-
nem ad Ro-
man: Pont.

De ordinatione Sacerdotum

expedire fieri, etiam si possit de iure fieri; non enim omnia quæ licent ex*em*
 pediunt. Agnoscit verò ibidem Cyprianus in Romano Pontifice Petri
 Cathedram, & Ecclesiam principalem, vnde unitas sacerdotalis exorta
 est; & cō perfidiam accessum habere non posse. *Nauigare*, inquit, au-
 dent; & ad Petri Cathedram atq; Ecclesiam principalem, vnde unitas sa-
 cerdotalis exorta est, à Schismaticis & profanis literas ferre: nec cogitare
 eos esse Romanos, quorum fides Apostolo predicante. (Rom. 1.) laudata est; ad
 quos persidia non possit habere accessum. Addo; si Fortunatus & Felix sci-
 ebant de iure nullum se habere præsidium à Pontifice Romano, quorsum
 ad illum appellassent? quorsum eam appellationem tantopere curasse
 impedire Cyprianus? contempssisset enim potius & risisset tanquam im-
 pertinente & nullius valoris. Hæc ergo & similia indicant potestatem
 fuisse in Romano Pontifice ut ad eum appellari posset saltē in grauiori-
 bus casibus; nisi cūm idem Pontifex aliquibus prouinciis aliquando
 sponte & iure suo cedendo indulxit, vt in illis aliqua causa terminaretur.
 quomodo Damasus Papa citatus à Zaborouio in *Epistola ad Theophilum*
 & *Anisum* (que est 79. inter Epistolas Ambrosii) probat & permittit, vt
 iuxta iudicium Concilij Capuensis cause illæ in prouincia cognoscen-
 tur, & ex æquitate solum ait tales causas ad se non pertinere. alioqui de
 iure idem Damasus clarissimè agnoscit ad Apostolicam sedem pertinere
 ultima iudicia in causis Episcoporum hoc est circa eorum depositionem,
 & deiectionem, & similia, in Epistola quam de hac re scripsit ad Stephanum
 Archiepiscopum Concilij Mauritanæ, & Episcopos trium Concili-
 orum Africæ: quod etiam dictus Stephanus cum viuieris Episcopis tri-
 um Conciliorum Africanorum in sua ad Damasum Epistola agnoscunt.
 Verba Damasi sunt; *Secundum Domini diuinam preceptionem nos, qui su-
 per domum eius, hoc est viuieralem Ecclesiam Catholicam (nota Zab-
 roui) Episcopale suscepimus ministerium, sollicitè vigilare oportet: ut ne
 quia de sacris eius muneribus, id est Apostolicis viris, Apostolorumq; successo-
 ribus atq; ministris quisquam nobis in consulis damnetur.* Et infra; *Dis-
 ttere, inquit, Episcopos, & summorum Ecclesiasticorum negotiorum causas,*
*Metropolitanos vñā cum omnibus suis comprouncialibus, ita ut nemo ex
 eis desit, & omnes in singulorum concordent negotiis licet: sed definire eo-*
rum, atq; Ecclesiasticarum causarum sententias, querelas; vel damnare
Episcopos, absq; huius sanctæ sedis auctoritate minimè licet; quam omnes
appellare (si necesse fuerit) & eius fulcire auxilio oportet. Nam, ut nostis,

Pontifice
palam id
ius suum
professi.

guitime

gitima synodo & suo tempore Apostolica vocatio: congregata definitè datur
mari potest; neg. vla unquam Concilia rata leguntur, quæ non sunt ful-
ta Apostolica auctoritate. Desine igitur, Zaboroui, nobis falso obiicere,
cùm ante mille trecentos annos tam expressum contra te, & pro aucto-
ritate sedis Apostolicæ in ultimis iudiciis tam Episcoporum, quām sum-
morum Ecclesiasticorum negotiorum definiendis, testimonium habes.
Ex quo etiam disces sanctissimum Pontificem eam potestatem ex ins-
titutione diuinâ profectam cognoscere, & in vniuersâ Ecclesia semper re-
ceptam & visitatam fuisse. quod vos noui homines, qui antiquorum scri-
pta non euoluitis, nescitis, aut nescire simulatis; & solum voculas eorum
aliquas obscurius dictas pessima fide citatis; vt eos contra expressam ip-
sorum mentem contraria loqui faciatis.

Tertium Argumentum.

A primate appellare non licet; à Papa autem Romano appellare licuit.
Papa igitur in Ecclesia primas non fuit. Minorem probat ex Epistola 166.
Augustini, exemplo Donati schismatici. qui à sententia Melchiadis Pon-
tificis ad Constantinum Imperatorem appellauit. At quām infideliter om-
nia refers. Nam quod damnat Augustinus tanquam ab homine schisma-
perduebis, à
tico, & contra omnē ius factū; tu auctoritate Augustini probas. Neq; e-
nim si quis rebellis & seditionis prouocat à regio tribunali, ideo prouo-
cato talis censeri debet licita; cùm facta improborum & seditionorum
non faciant legem. Deinde quam appellationem nec ipse Constantinus
ausus est admittēre, tu quasi probatam à Constantino adducis. Ita enim
ibidem Augustinus; *Quia*, inquit, *Constantinus, non est ausus de causa E-
piscopi iudicare; eam discutiendam atq; finiendam Episcopis designauit.*
Quod & factum est in urbe Roma, presidente Melchiade Episcopo illius
Ecclesie cum multis collegis suis. Qui cùm Cæcilianum innocentissimum
*pronunciaſſent, & Donatum qui schisma Carthaginifecerat, sententia per-
cuſſerent, iterum vestri ad Imperatorem venerunt, & de iudicio Episcopo-
rum, à quo victi fuerant murmurauerunt. Quomodo enim potest malus liti-
gator laudare iudices, quibus iudic antibus vietus est? Verumtamen Cle-
mentissimus Imperator alios iudices Episcopos de dit apud Arelatum Gallie
ciuitatem, & ab ipsis vestri ad ipsum Imperatorem appellarunt. donec e-
tiam ipse causam cognoscere, & Cæcilianum innocentem, illos calumniosos Imper: non
pronunciaret. Hac Augustinus. Ex quibus habes, Zaboroui, primum Im-
peratorem non esse aulū de causa Episcopi iudicare; sed eam remississe care Episca-*

De ōrdinatione Sacerdōtūm

ad Romanum Pontificem. deinde agnouisse Imperatorem forum Africānis Episcopis apud Romanum Pontificem; neq; Romano Pontifici suam auctoritatem delegasse, cum nullam in se auctoritatem ad id agnoscentis non fuerit auctor de causa Episcopi iudicare. tertio, Appellationem à Pontifice Romano ad Imperatorem non legitimam appellationem, sed murmurationem secundum Augustinum fuisse. quartō, Imperatorem a lios Episcopos iudices assignasse, non ad retractandam Romani Pontificis sententiam; sed ad confirmandam & magis aduersarios conuincendos, qui toties & in omni iudicio damnati essent. quo etiam modo & ipse tandem coactus est causam cognoscere; non vt Episcoporum iudicium retractaret, aut corrigeret (nō enim audebat de causis Episcoporum iudicare, nec in se eam potestatem agnoscebat) sed vt Imperatoria auctoritate interposita, quod Episcopus Romanus & alij Episcopi iudicārunt, ratum facheret: & tandem terminaret; ac executioni mandaret. Vides igitur, Zaboroui, quām tibi non succedat tua contra Romanum Pontificem probatio, etiam si multas falsitates in auxilium aduoces. Vos enim nihil probare potestis, si vobis integrum non fuerit aliqua falsa veluti condimenta vestræ veritatis in præsidium aduocare.

Quartum Argumentum:

Primas in Ecclesia pro synodorum indictione nulli supplicare debet. Atqui Papa pro synodorum indictione Imperatori supplicauit. vt patet ait de Libero Papa, qui in causa Athanasij exulantis postulauit à Constantino Imperatore Synodum, *apud Theodoretum libro 2. cap: 16.* & de Leone Papa, qui ibidem Concilium cogi ab Imperatore Theodosio supplicauit in *Epistola g. ad Theodosium Augustum.* Papa igitur Primas in Ecclesia non fuit. Futile sane argumentum. Nam si Maiorem ita intelligatur, vt non licet Pontifici auxilium brachij secularis ad agendum Concilium inuocare, errat. quidni enim Imperatoria potestas, quæ ad rebellēs cōcēdendos & impedientes Concilij congregationem & progressum in officio continentos valet plurimum, adhibetur? Hoc vero modo Pontifices ab Imperatoribus cogi Concilia postulārunt: non quod potestatem Ecclesiasticam & Spiritualem, quam Christus Ecclesiae reliquit, ad cogenda Episcoporum Concilia Imperatoribus tribuerent: sed vt eorum seculari ope securi à rebellibus & pacem impedientibus essent. Alioqui constat ex Damaso paulo antē citato Romani Pontificis proprium ex diuina institutione esse Concilia per vniuersam Ecclesiam indicere & eadem confirmare,

*Auxilium
Pontif: Ro:
Imperatoris
implorat s̄e-
ne preiudi-
cio s̄ue au-
toritatis.*

Confirmare, & approbare : & Concilia generalia in suis ad Romanum Pontificem Epistolis agnoscebant, se mandato literarum Apostolicarum ad Concilium conuenisse, vti ex actis Conciliorum manifestum est.

Quintum Argumentum.

Primi non potest à quoquam obsisti; nec is iudicium ad Concilium deferre debet. Atqui Papa cùm ei obsisteretur iudicium ad Concilium detulit. Primas igitur Papa in Ecclesia non fuit. Minorem probat Innocentij Papæ exemplo, qui Chrysostomum & Theophilum depositum suæ Ecclesiæ restitui volens, iudicium eorum Concilio comisit. Quam infirma tantæ rei probatio, & quæ tota in caput Zaborouij recidit. Nam in primis primati à nullo obsisti posse de iure, verum est; de facto autem ab omnibus rebellibus obsistitur sicut & Deo. Atqui Pontifici de iure obsistere aliquem potuisse nec probat Zaborouius, nec probare potest. Nam hoc ipsum Innocentij exemplum ostendit illos omnes, qui decreto Innocentij restiterunt, id iure non fecisse. quia propterea ab Innocentio excommunicati fuerunt, vnâ cum Imperatore Arcadio & Eudoxia vxore eius, quod restitutionem Chrysostomi permittere noluerunt. Deinde multis modis hoc Chrysostomi exemplum causam Zaborouij euertit. Nam in primis Chrysostomus à Theophilo cum concilio multorum Episcoporum è sua sede pulsus ad Romanum Pontificem tanquam ad ordinarium Episcoporum iudicem confugit; ab eoq; petiit, vt suâ qua pollebat auctoritate sententiam Theophili irritam decerneret. Quamvis autem, quæ erat ipsius bonitas, pro inimicis supplicaret, ne à Romano Pontifice excommunicarentur; tamen hac ipsa deprecatione agnouit Chrysostomus in Episcopo Romano esse summam in alios Episcopos etiam Orientales iudicandi & excommunicandi potestatem. Patet id ex Epistola prima & secunda Chrysostomi ad Innocentium. Deinde cum Innocentius Orientalibus Episcopis sibi renitentibus non solum non cessit, sed etiam vnâ cum Imperatore & Imperatrice excommunicauit: an non suam potestatem in Episcopos & Concilia manifestè ostendit? Quæ sententia non pro irrita fuit habita sed valida, donec iuridicè excommunicatio tolleretur. Tandem cùm Innocentius per Concilium remedium adhibere voluerit, non ob defectum potestatis id fecit, sed quia multò facilius per multos Episcopos congregatos negotium accommodari potuit. quibus decreti sui executionem comisit.

*Perduelles
soli resti-
runt Ponti-
fici Rom.*

De ordinatione Sacerdotum

Sextum Argumentum.

Si Papa vnum Monachum ex aliena Diœcesi pellere non potuit (*Leō enim Papa, Epistola 40.* supplicat Imperatrici Pulcheria, vt Eutychetem ex Diœcesi Constantinopolitana in remotiora loca pellat) sequitur illum primatem non fuisse. &c. O egregium argumentum! Etenim si Rex rebellem aliquem multorum potentia fretum eiicere ex Regno non potest, num ideo Circo Rex esse desinet, & iure summo ac potestate supra summa carebit? Deinde primatus Papæ est Ecclesiasticus, ratione cuius summam in vniuersalem Ecclesiam potestate habet, qua potestate quia tum in Eutychetem usus est, cum eum de Ecclesia per excommunicationem eiecit; summam in illum potestate non capuit. Eiicere vero eundem è Regno ad regalem & Imperialem potestatem spectabat. Quare merito eam invocare in auxilium potuit Pontifex sine ullo suæ spiritualis & Ecclesiasticae potestatis præiudicio.

*Eiicere quæ
è Regno a-
dieno Pont:
auktoritate
sua non po-
test.*

Septimum Argumentum.

Si Papa intuito & reluctantante Episcopi alij deponebantur: alij functi sunt suo officio; sequitur Papam primatem non fuisse. Sed & hoc argumentum ineptum est. Quoties enim legitimo Principi rebelles per vim obsistunt, & potestatem illius impediunt, nunquid propterea ille desinit esse summus Princeps? Ostendere debuit Zaborouius, non solum id factum esse, sed iure factum esse. quod cum non ostenderit, nihil quod ad rem pertineat probasle centendus est. Porro ius habuisse semper Pontificem Romanum Episcopos deponendi & statuendi, non solum Damasus ante mille trecentos annos ex divina institutione deducit; sed & Concilia, tam generalia, quam prouincialia plurima agnouerunt. ex quibus aliqua paulo ante citauimus: sancti quoq; Patres idem confessi sunt. deniq; praxis perpetua Romanorum Pontificum idem docuit. Quare licet vi multa facta sint contra Pontifices in hoc genere nobis tamen non hoc agitur, quid vi & temeritate fiat; sed quid iure fieri debeat. Cypriani vero falsò adducit Zaborouius quasi ius Romano Pontifici in deponendis & statuendis Episcopis negaret. Clarissime enim *lib. 3. Epistola 13. ad Stephanum Papam*, supplicat ut statuat quis in locum Martiani substituendus sit. Et *lib. 1. Epistola 4.* de Basilide, quem Stephanus Papa in Episcopatum restituit, sic scribit; *Non tam culpandus est ille (Stephanus) cui negligenter obreptum est: quam hic (Basilides) exierandus, qui fräu-
duleney*

*Perduelles
nil derogat
auktoritati
legitima
suaperuica-
tia.*

dulenter obrepserit. Non igitur Cyprianus arguit Stephanum Papam ob-
surpatam potestatem, quasi restituere Episcopum de iure non potuerit:
sed quod male fuerit de re gesta à Baslide informatus. De Chrysostomi re-
stitutione paulo antea diximus. De Flauiano quoq; Antiocheno Episcopo
à Damaso Papa deposito constat, eum non prius Episcopatu fungi po-
tuisse, quā Romanus Pontifex consensisset. ad quem etiam legatos mi-
sit. Nam & Imperator Theodosius maximus eius promotor iussit eum
Romanam pergere ad causam dicendam; & Theophilus Alexandrinus per
legatos apud Romanum Pontificem pro Flauiano intercessit, vt refert
Socrates 5. *Histor. Cap. 15.* Et Theodoreetus 5. *Histor. Cap. 23.* Quare fal-
sum est, quod scribit Zaborouius eum contra voluntatem Romani Pon-
tificis Episcopatu functioni esse. Et sane hæc omnia contra Zaborouium
ostendunt summum fuisse ius & potestatem in Romanis Pontificibus ad
deponendos & statuendos Episcopos. Quorsum enim tantum in ea re la-
borassent Imperatores, Episcopi, Concilia integra, te nullum verum ius
alia agendi Romano Pontifici competeret, ita ut hæc ipsa, quæ contra
nos producit Zaborouius, ipsiusmet confodiant.

Octauum Argumentum.

Papa invito & per legatos suos reclamante Concilia canones suos
con siderunt. Non igitur Papa primas fuit. At nunquam Concilia cano-
nes ullos considerunt quibus Romanum Pontificem ius & potestatem in-
vniuersam Ecclesiam, ratione cuius ad illum vndiq; recurri possit, non
habere declararent, imo eam saepe agnouerunt ut ostensum est: sed quod
recursum ad Papam moderatum esse cuperent, ne imediatorum Epi-
scoporum auctoritas vilesceret, & licentia in multis propter faciles appell-
ationes augeretur, quos canones cum ederent non vi & potestate contra *Temeritas*
Romanum Pontificem egerunt: sed humiliter supplicarunt suis postulâ- *aliena ius*
tionibus deferri, & Romanum Pontificem aliquantum suo iure cedere. *alterius non*
Sciebant enim tales canones nullum valorem habituros, nisi à Romano
Pontifice confirmarentur: quod de multis Conciliis Africanis supra o-
stendimus & præcipue de Concilio illo Africano, cui interfuit & subseri-
psit Augustinus; quod suorum canonum approbationem humiliter ab
Innocentio Pontifice postulavit. Alioqui cū Concilia prouincialia aliquid
temere contra Romani Pontificis sententiam agebant, irritum id erat &
inanē. & autores pœnis Ecclesiasticis à Romano Pontifice puniebantur:
approbante factum vniuersa Ecclesia, & nemine Pontificem usurpatæ po-
testatis

De Ordinatione Sacerdotum

estatis accusante. Sic in negotio de rebaptisandis hæreticis Cypriani tempore cū Pontifici plusquam 70. Episcopi in Concilio congregati parere nolent, ab eodem condemnati fuerunt; vniuersa Ecclesia factum, & sententiam Pontificis approbante. Quo etiam modo in Concilio Chalcedonensi id quod orientales de paribus Priuilegiis Constantinopolitani cum Romano Pontifice vrsurpant *actione 16.* reclamantibus legatis summi Pontificis, nunquam illum robur habuit, Leoque Pontifex Concilium Chalcedonense solum quo ad explicationem Fidei approbavit, vti ipse de se testatur. Et sane si in Republica tumultus aliqui fiant subditorum contra legitimi Principis potestatem, & leges aliquæ approbandæ vi & minis extorqueant à Principe: nemo factum eiusmodi probauerit, & pro argumento contra ius legitimi Principis produxerit. Quare neq; facta per tumultum & conspirationes contra Romani Pontificis ius & potestatem à Christo institutam & vniuersa Ecclesia approbatam, in cuius etiam usu & possessione semper fuit Pontifex, quidquam apud sapientes rerum estimatores valere debent. Semperq; spectandum est, non quid per vim fiat; sed quid iure fieri debeat; in quod toties impingit Zaborouius.

Nonum Argumentum.

Si Papa fuit subiectus Imperatori, non fuit ergo primas ratione potestatis. At per te absurdum est potestatem spiritualem subiici seculari, pastores ouibus, animam corpori. Si Christus Petro eiusq; successoribus dedit potestatem soluendi & ligandi, etiam Imperatores: & pascendi omnes oues, inter quas sunt etiam Imperatores; quomodo dici potest iudices iis quos indicant subiectos esse, pastores ouibus? Quod si Pontifices suam potestatem in Imperatores sāpe exercuerunt ipsos excommunicando: si item ipsi Imperatores agnouerunt non semel se non habere ius Episcopos iudicandi, vt de Constantino Magno, & Basilio Imperatore. vt constat partim ex Ruffino *10. Histor. cap. 2.* partim ex Actis 8, Synodi: quomodo afferi potest Romanum Pontificem Imperatoribus esse iure subiectum? At videamus quibus documentis tantum paradoxum confirmet Zaborouius, nempe fabellis mendacibus. Ait primum Imperatores olim probasse vel improbasse electionem Papæ. At si hoc aliquando ab ipsissimis Pontificibus alicui Imperatorum concessum fuit ad sedandos tumultus, qui illis temporibus in electione pontificum oriebantur, munquid inde sequetur Imperatorum auctoritatem maiorem fuisse Pontifica? Si ita est, omnes electores Imperatoris erunt potestate superiores Imperatore, & eleciores

1.

2.

*Pontif: Ro:
auctoritas
maior quam
Imperatorū.*

3.

4.

5.

*Imperatori-
bus ius ratā
habendi le-
ctionem Pō-
tificum ipsi
Pontifices
fecere.*

electores Regum ac Principum erunt superiores Regibus ac Principibus quos e-
legerunt, quo quid absurdius? Nonne te pudet, Zaboroui, tam inepte argumen-
tari? Adde si iuain electionem Pontifices subiecerunt Imperatoribus, quod illorū
temporum necessitas exigebat, num ideo personas suas & officium subiecerunt?

Secundo ait, Papam accersitum coram Imperatore comparere debuisse, vt
probat exemplo Liberij coram Constantio Imperatore comparente. At, Zabo-
roui, semper eadēm oberras chorda, cū ea quæ per vim facta sunt, præsertim *Vis non est*
ab hereticis Imperatoribus, qui omnem auctoritatem Romanorum Pontificum *lex.*
contempserunt, tu pro lege adducis. Ineptum te Iurisconsultum, qui ex facto
ad ius argumentari consueisti ineptissima apud omnes Iurisperitos argumenta-
tandi forma. alioqui quicunq; te per vim domo tua expelleret, is eo facto te nul-
lum ius in domo tua habere euinceret. Non nego igitur malos aliquos Imperato-
res potentia elatos insolentius cum Pontificibus egisse; & illos sibi inique & per
vim subiicere voluisse; at pientissimi Imperatores nunquam id attentare ausi sunt;
& disertè docuerunt sibi iudicium in Episcopos non competere, quod ex profes-
so Nicoláus Papa in epistola ad Michælem multis testimoniis confirmat; nempe
pios Imperatores nunquam Pontificibus imperasse; sed obsecrassæ solūm ut pa-
tres, si quid ab eis fieri voluissent.

Tertio ait, Papam pro arbitrio Imperatoris iudicem delegatum fuisse, vt exem-
plo Melchiadis in causa Donati patere ait. At falsum id esse iam suprà ex Augu-
stino probauimus. Non enim Imperator suas vices & potestatem Damaso dele-
gavit: sed cum ad suam potestatem tale iudicium pertinere non posse videret, *Imperator*
non instituit
ad competens iudicium Pontificis totum remisit. neq; verò postea nisi iniuritus
causam à Pontifice iudicatam cognoscere voluit: & non nisi ad magis conuin-
cendos aduerarios, Augustino ipso teste. Nihil igitur rem Zaborouij iuuat hoc
exemplum; sed euertit potius & iugulat.

Quarto ait, pro indictione conciliorum à Papa Imperatoribus fuisse suppli-
catum. Ita quidem ad inuocandum seculare auxilium, non verò ad tribuen-
dam illis Ecclesiasticam, indicendorum conciliorum potestatem factum esse su-
prà ostendimus.

Quinto ait, Papas ab Imperatoribus aliquando fuisse depositos. At quis non
videt nonnisi iure lupino & abusu potestatis id factum esse? Pontifices potius
iure sibi à Christo concessò ligandi & soluendi & excommunicandi vsos in puni-
endis & excommunicandis Imperatoribus.

Sexto ait, Papa olim Imperatorem dominum suum agnouisse, quod Gregor.
ib. 4 Epistol. 31. dominum eum vocat. Tamen è rudi es, Zaboroui, vt nomen ho-
noris cum potestate confundas? alioqui verendum est, ne si quis te honoris vel ci-
uitatis causa dominum appelleret, te illico dominum ipsius putas.

De ordinatione Sacerdotum

Decimum Argumentum.

*Pontifex Ro.
Et collega,
Princeps, &
pater, &
frater diuer-
saratione.*

Si Papa frater, collega, coëpiscopus cæterorū Episcoporum fuit, primas in Ecclesia esse non potuit. At nimis futile argumentum, quod iam suprà dilutum est. Etenim sicut Christus & Pater noster est, & Dominus diuerso respectu, ita & Papa & coëpiscopus dici potest, & Princeps Episcoporum. nam propter ordinem Episcopalem Cœpiscopus; propter verò summam in Episcopali ordine dignitatem, & in alios omnes Episcopos potestarem, summus Pontifex, Pater Patrum, Episcopus Vniuersalis dicitur, quibus titulis à variis conciliis appellatus est. ut suprà ostendimus. Cum igitur, Zaborou, decem tuis argumentis primatum Pontificis Romani expugnare nō potueris, hoc vnū effecisti, vt te tuosq; nihil solidi contra primatū summi Pontificis habere omnes intelligāt. Tam enim levia in mediū produxisti: vt quiuis vel mediocriter rerū peritus ea uno spiritu d̄ sit ire possit. Preter enim æquiuocationes, falsas narrationes, ineptas illationes, continent nihil.

*Docere rea-
pse nō est ef-
fentiale Pō-
tificatiū.*

Ac ne quid tibi ad ineptitudinē deesset, yl timo loco adieciſti plenum ignorantię argumentum, quo hodiernum Pontificem non tantum primatis, sed nec Episcopi quidem legitimi nomine dignandum esse efficere niteris. quod p̄cipua & essentiāli virtute veri Episcopi careat, quae est velle & posse docere, & sacramenta rite administrare. Etenim si de officio docendi loquaris id essentiale esse Episcopo ut nemo negat: ita si de actū docendi intelligas, nemo tibi sapiens assentietur. Non ut enim sapientes actū officij nō pertinere ad essentiam officij, sed esse effectū quendam & partum ipsius. absurdumq; est dicere effectū esse de essentia suā causæ. alioqui ſequeretur eum, qui ab actū officij aliquando defiſtit, ab officio decidere & officij dignitatē perdere. Etsi igitur, qui officio suo vel non fungitur, vel negligenter fungitur merito culpandus est: non tamen eo ipso officij dignitatem amittit. Quocirca non nisi inepte probas Pontificē, si officio docendi nō fungatur noui esse verum Pontificem. Aliud est enim esse verum Pontificē, aliud bonum & officio suo recte fungentem: malusq; Pontifex verè Pontifex est. quia verè officium gerit; nec dignitatem suam amittit; licet quia officio suo non fungitur malus Pontifex est. Hæc igitur est prima tua ignorantia qua officij essentiam cum eius actu & functione confundis.

*Docere non
est solum ex
ſuggeſto.*

Altera est, quod quid sit docere in Ecclesia non intelligis. Videris enim docendi munus ambona definire; vt qui ex ambona populo non p̄dicit, docere ministri censeatur. Ea enim ex causa Romanum Pontificē docere negas, quod nō concionetur ex ambona ad populum. Atsi intelligeres illum multo magis in Ecclesia docendi munus exercere, quam p̄dicatorum quempiam, à tali calumnia abstineres. Etenim p̄cipuum in Ecclesia docendi munus est Fidem explicare, quæſtiones Fidei definire, hæreses condemnare, veram à falſa doctrina discernere, dubia

circa Scripturas & verum earum sensum exponere, traditiones Apostolicas veras indicare. Quod vero ad mores attinet, dubia & difficultates ad conscientias spectantes declarare: quid secundum Deum licitum sit, quid non, docere; ut omnia secundum ordinem in Ecclesia fiant praescribere; penas delinquentibus assignare; ad Poenitentiam & Sacramentorum usum propositis etiam Indulgentiis populum Christianum inuitare. Haec vero omnia per se ipsum Romanus Pontifex cum quotidie faciat, an ne tibi docere vniuersam Ecclesiam non videtur? idque magis quam ullus alius. Nam Pontificis doctrina ad vniuersam Ecclesiam pertinet; aliorum vero ad aliquem exiguum cœtum. Doctrina Pontificis ipsos etiam concionatores instituit. qui ut sanam doctrinam populo communicent à Pontificis declaratione & doctrina dependent.

Cum vero Bellarmino rideat dicentem, Pontificem curare ab aliis Prædicatoribus doceri populum, hac enim ratione ait etiam centenariam anum posse agere Romanum Pontificem. posset enim tales habere, per quos officium docendi subiret, nec quid rideas intelligis; nec responsonem Bellarmini assequeris. Etenim Bellarmianus nec docendi officium in Ecclesia subire potest, vetante Paulo mulierem in *nus frustre* Ecclesia loqui: nec potest ex officio instruere prædicatores, illosque docere, quid *ridetur a* docere debeant; multo minus res Fidei definire; & falsa à vera doctrina pro tota *Zaborouio*, Ecclesia ex officio discernere & dijudicare. Hoc vero modo Pontifex per Prædicatores quos prius ipse dicto modo instruxerit & docuerit, docet postea populum tanquam per sua instrumenta. Frustra igitur conuasas varia Patrum testimonia, quibus asseritur munus docendi Episcoporum proprium esse: ut si illud negligant officio suo minimè satisfaciant: verum iij nunquam requirunt ut Episcopus per seipsum omnes immediate doceat; sed posse etiam & debere suam doctrinam per Prædicatores ad populum transmittere. Hi vero soli pastores per suos vicarios docentes populum damnantur, qui relictis veris pastorum officiis, alia eaque secularia negotia tractant, hi enim officio suo minimè satis faciunt, Pontifices vero Romani dum in prædicando sibi vicarios substituunt; ab officio vero pastoris non desistunt. Nam & vniuersam Ecclesiam suis quotidianis responsis in Fide & moribus instruunt: & quid Prædicatores docere populum debeant praescribunt. Quare in ipsa Prædicatorum substitutione docendi munere pastorali funguntur. Vide igitur, Zaboroui, quam petulanter & temere contra Romanum Pontificem, cuius Reges quoque & Imperatores, ac vniuersus Christianorum cœtus auctoritatem venerantur, eiique se humiliter subiiciunt, linguam & calamum strinxeris nullo respectu tantæ dignitatis habito: neque tuis rationibus, vt in tanta re par erat, bene expensis. Det tibi Deus in posterum saniorcm mentem. ego vero consilium do; vt, quæ in lucem vnuquam editurus es, magis ad lucernam expendas: & solidioribus rationibus instruas, ne apud doctos plus perdas quam ac-

Fabula de velo ab Epiphāniō consciſo, in quo pictura Christi, aut alterius Sancti continebatur.

CVM fabulis delectetur Zaborouius: easq; pro argumentis in suæ causæ subsidium adducat: opera prerium iudicauit; si tam insignem fabulam ab aduersariis confitam, & assutant ad finem epistolæ Epiphanius ad Ioannem Ierosolymitanum, quasi Epiphanius velum quoddam præ templi foribus pendens, & Christi vel alicuius Sancti imaginem referens, religione ductus sustulerit, & considerit, manifestissimis documentis refellerem: vti eam refellunt, Baronius in anno Christi 392: Bellarminus lib. 2. de imaginibus Sanctorum cap. 9. Cornelius Shultingius in confessione Hieronymiana tomo. 4. cap. 9. Ac in primis illud argumentum est, quod Epiphanius cultum sacrarum imaginum pro errore vel hæresi nunquam habuit, vti haec fabula mentitur. Cùm enim in libro de Hæresibus omnes hæreses ad sua vsq; tempora sigillatim enumerauerit; in eum numerum proculdubio eam quæ est de cultu sacrarum imaginum retulisset, si eam hæresim vel errorem contra Fidem existimatasset. maxime si, vt fabula narrat, ipse met manibus suis imagines démolitus est. Cum igitur nihil tale in catalogum hæresum retulerit, certissimum argumentum est; illum cultum sanctarum imaginum, quem in Ecclesia visitatum non ignorabat, pro errore contra Fidem non agnouisse. Quo argumento usi sunt Pàtres in 2. Nicœna Synodo act. 6. vt Epiphanium à simili calumpnia liberarent. Dèinde cùm Iconomachi omnia Epiphanius testimonia diligentissime explorarent, vt eum ad suam sententiam & contra imagines pertraherent: ita vt etiā falsos quosdam libros nomine Epiphanius producerent: huius tamen fabulae, quæ maximè illis patrocinari poterat quoquo modo, nihil prorsus meminerunt. Meminissent proculdubio si tale quid in scriptis Epiphanius conentum fuisset; cùm & maximè illustre id esset Epiphanius contra imagines testimonium factò eiusdem comprobatum; & in Epistola ad magnum virum, hoc est Ioannem Ierosolymitanum scripta, & à Sancto Hieronymo in latinum conuersa contineretur; quæ epistola cùm manibus omnium tereretur, propter plurima eius exemplaria quæ vt ait Hieron. epistola 101. certatim Palæstina rapiebantur, vel ob meritum auctoris, vel ob sermonis elegantiam. Quomodo igitur nostri Evangelici tam lynceos oculos post mille ducentos annos habent, vt eam fabulam, quam omnes Iconomachi priscis illis temporibus summo studio & inquisitione facta videre non poterant, ipsi post tot secula viderint. Ex quo etiam patet, seculum illud vetus hanc fabulam prorsus ignorasse. nam & in Nicœna synodo,

*Epiphanius
non putavit
heresim esse
imaginum
veneratio-
nem.*

*Fabulosum
est ab Epi-
phanio ima-
gines sacras
descriptas
ess.*

ab Epiphanius consciſſo?

que post Epiphanium annis habita est, nesciebatur; etiamsi magna diſquisitio fieret ut dictum est; & Gregorius primus Sereno Massiliensi id obiecit, quod ante illum nullus sacerdos cultum sacrarum imaginum damnaret. Ita enim habet in lib. 9. Epist. 9. *Dic, frater, à quo factum sacerdote aliquando auditum est, quod fecisti? Si non aliud, vel illud te reuocare debuit, ne alii fratribus deſpectis ſolum te Sanctum T effe crederes sapientem.* Si igitur S. Gregorio credimus, nullus Sacerdos ante Serenū, hoc est ante ſua tempora, imagines confregiſſe credendus est.

Tertio, S. Hieronymus hanc Epiphanius epistolam ipſe latinam fecit. cuius ſumma capita cum recenſet, nullum de cultu imaginum ponit. quod tamen, Hieronymo cum ſit longe diuersum à reliquis, posuiſſet. Nam & in libro de optimo inter-ignorum id pretandi genere duo tantum eius argumenta ponit: alterum, quod aliquos Ioannis Ierosolymitani errores reprehendat: alterum, quod amice ad meliora cohortatur, & reprehensionis libertatem, ne offendatur, deprecatur. In Epiftola etiam ad Pamachium aduersus Ioannem Ierosolymitanum omnia capita Epiftole Epiphanius à Ioanne Ierosolymitano oppugnata recenſet, & defendit, nullā talis fabulae facta mentione. Et vero si Ioannes Ierosolymitanus Epiphanius tandem reprehendit, quod in illius diocesi ordinare presbyterum absq; eius ſcitu fuerat aitus, quomodo diſſimulatſſet quod in ipsius diocesi imagines publicè in Ecclesia propositas demolitus fuerit? Cium ergo neq; Ioannes id Epiphanius obiecerit; neq; Hieronymus inter obiecta à Ioanne recenſuerit, indicio est nihil tale in illa Epiphianiſſe epiftola contentum fuſſe; sed ab architectis mendaciorum, quales fuerunt ſemper hæretici, affictum & affutum eſſe.

Quarto, ſi ea de cultu imaginum Epiphanius ſententia fuſſerit, quam fabula teſtatur; cur vtiq; Epiphanius diſcipuli poſt obitum ipſius, ut conſtat ex Concilio Niceno 2. art. 6. templum in honorem ipſius & ſub eius nomine exædificarunt, & in eo plurimas imagines & picturas, inter quas etiam vnam ipſius Epiphanius eſſe voluerunt, collocarunt? num quis mentem & doctrinam Epiphanius melius quam ipſi eiudem diſcipuli comprehendiffere putandus eſt; aut honorem ſe magistro ſuo præstitiſſe crediſſent, ſi que ille maxime ex Ecclesia exturbabat, illi in Eccleſiam in ferrent?

Quinto, quam incredibile eſt Epiphanius in aliena diocesi cultum imaginum abrogare voluisse; cum in propria ſua dioceti, hoc eſt in Cypri Ecclesiis, cum cultum pateretur. Testatur enim S. Ioannes Damascenus in oratione 1. de imaginibus, Cypri Ecclesiis plenas imaginibus ad ſua viſq; tempora fuſſe. Ex his itaq; omnibus perſpicuum eſt fabulam hanc verè fabulam eſſe; quam ignorarunt, & Epiphanius, & concilij Nicenii Patres, & Hieronymus, qui eam Epiftolam latinam fecit; ac aduersus Ioannem Ierosolymitanum defendit; & deniq; diſcipuli eius, ac omnes Cypri Ecclesiis, ſed recens à nouatoribus affictam & affutam eſſe.

Fabula de fæmina Papa.

eam esse. Quare licet nunc habeatur in tomis Hieronymi Basileæ impressis, habetur tamen tanquam spuria, & assuta, non tanquam legitima & vera; cum toti antiquitati fuerit inaudita.

Fabula de Fæmina Papa.

NO n est fabula in mundo, quæ magis fabula dici possit: quæque minus veri similitudinis in omnibus habeat, quam ista de fæmina pontifice. Quid enim hic non fictum? auctor, locus, tempus, & reliquæ circumstantiae. nam quis fabulae primus auctor? Martinus Polonus, qui quadrageenis post annum istius ficti Pontificis annis vixit; primusque è scriptoribus eius mentionem fecit, ceteris omnibus rerum Ecclesiasticarum per 400 annos scriptoribus tacentibus. Vnde verò hanc historiam mutuatus est? num ab aliquo fide digno historic? Minime. Ait enim; *Fertur*. ostendens se non ex aliquo probatae fidei auctore, sed ex incerto populi rumore, qui omnium fabularum fons est, totam historiam accepisse. Tota igitur historia huius veritas & certitudo concidit, cum nulli certæ auctoritati innitatur. Quocirca frustra Zaborouius numerum scriptorum recentiorum colligit, qui cum nullum alium historiæ auctorem prater Martinum Polonum proferant, etiamsi innumeri essent, maiorem fidem non merentur, quam vnu Martinus Polonus. Testimonium enim multorum ab uno deriuatum pro uno tantum in iure testimonio habetur. Cum verò Martinus ipse suo testimonio fidem derogauit, assertens se ex rumore vulgi historiam despuluisse; ea ratione omnibus qui ipsum incaute sequuti sunt auctoriis fidem omnem abrogauit. Certe si quis falsis rumoribus ciuitatem impletat; & inumeros habeat qui ex ipso idem affirment; nemo sapiens rerum æstimator multitudine illa narrantium commouebitur, postquam didicerit, eos ex uno incerto narratore id totum accepisse. Neq; verò solum Martinus à nullo bono auctore historiam illam accepit; sed nec accipere potuit. Nam per totos quadragetos annos ab isto ficto Pontifice tot scriptores rerum Ecclesiasticarum fuerunt; immo & illo ipso tempore quo fingitur ista fœmina fuisse: nullus tamen ne uno quidem verbo tamem historiam indicauit. Nam Anastasius Bibliothecarius, & Ado Episcopus, qui tempore ficti istius Pontificis vixerunt, & Pontificum sibi succendentium seriem diligenter descripserunt, nullam talis Pontificis mentionem fecerunt; sed nec alij per totos 400 annos Ecclesiastica historiæ scriptores; quam proculdubio non omisissent, tum ad seriem Pontificum texendam; tum quia res tam notabilis nulla dissimulatione tegi vel supprimi potuisset. In Siegerberto quidem, & Mariano Scoto, qui antiquiores Martino fuerunt, inuenitur Ioannes fæmina, sed non nisi in re-

Fabule de
Papafæmi-
na primus
auctor Mar-
tinus Polo-
nus.

qui tamen
eam non af-
firmavit.

scriptori-
us cui illi-
s ignota.

Sigebertus
Maria-

cens

Fabula de Fæmina Papa:

47

cens impressis exemplaribus apud hæreticos. nam in antiquissimis manu scriptis nihil tale extat; ita vt hoc ipsum sit argumentum euidens fabulam & confitam à maleuolo aliquo libris horum auctorum insertam esse.

Scotus
eaadē igno-
rabant dum
vixerunt.

Iam vero & illud quantum est ficte fabulæ indicium, singere aliquem extitisse, cui nec locus nec tempus assignari possit, quo extiterit, quasi extra omnem locum & extra omne tempus existere quispiam possit. Ita vero fingitur ista fæmina extitisse; nempe inter Leonem quartū & Benedictum tertiuin. Atqui tam Anastasius, quām Ado, qui illo tempore vixerunt, testantur Leonem quartum octo annis sedisse; eiq; immediate successisse Benedictum tertium. non igitur reliquerunt locum inter istos Pontifices Ioanni ficto. Neq; aliter fabulam aduersarij tueri possunt, nisi contra omnem historiæ fidem ex annis Leonis, (quem ex omnium historicorū sententia constat octo annis præfuisse) duos annos & medium detrahendo, cūm inter octo annos Leonis, & annos Benedicti nulli alij intercesserint vacantes anni, qui tribui possint huic ficto Ioanni. Quomodo igitur non fabulosum erit, Ioannem istum sedisse, cūm locum inter Pontifices habere non potuerit, Benedicto succedente Leoni immediate? aut quomodo non fictum habebitur aliquem extitisse, qui nullo vñquam tempore extiterit? Neq; potest soluere Zaborouius, si dicat posse constare certo de re, et si non constet certo de te nōpore. Nam in primis hic de re certo non constat, cūm nullus certus auctor proferri possit, qui id absolute affirmet. Nam & Martinus Polonus incerto affirmat, & ante illum per 400 annos nullus, nec certo, nec incerto, affirmauit. Deinde aliud est nō constare de tempore quo quis fuerit, aliud excludi certissime omnibus temporibus. Cūm igitur ostendamus hunc fictum Papam excludi omnibus temporibus (siquidem omnia tempora singulis Pontificibus assignata ab historicis habentur) ideo recte demonstramus eum in nullo tempore sedere in Pontificatu potuisse: impossibile enim est & contradictionem implicans, cum quā nullo vñquam tempore existere potuerit, aliquando extitisse.

Tempus non
potest mon-
strari quo
fuerit istud
monstrum,

Omitto alias circumstantias; quales ad ornandam hanc fabulam ab aduersariis excogitatae sint, cūm eae ipsæ falsitatem fabulæ demonstrent: vt de Moguntia in Anglia, quæ in Anglia nulla est: de studio Athenarum, quod illo tempore nullum fuit; de sede perforata ad explorandum sexum, quam ad hunc finem adhibita esse nonnisi mendacissime dicitur: de statua huius fæminæ, quam Pontifices non solum nō erexissent, sed etiam ad dedecus tollendum prorsus susculissent: constatq; illam statuam Sacerdotis gentilis puerum ducentis fuisse: de declinatione viæ ad Lateranum ad detestationem facinoris, cūm ea declinatio propter anfractus viæ ad profectionis commoditatatem necessario fiat. Cūm igitur omnes circumstantiae nonnisi mendaciis & calumniis constent, quis non videat eam fabulam totam ex mendaciis confarinatam esse, & omnium fabulaū mendacissimam?

Fabula de fæmina Papa.

Mulier E.
uangelicæ
verè Papa
fuit.


dacissimam? Quanquam ea de fæmina Papa, historia, quæ nobis falso obiicitur, verissimè nostris Euangelicis obiici potest & debet. Si enim verissimam fæminam Reginam Angliæ Elizabetham in caput Ecclesiæ Anglicanae constituerunt, gravissimis pœnis decretis si quis Papatus honorem illi non deferret. Quid hic Zaborouius? Negabit illam Papissam fuisse? At si caput Ecclesiæ Anglicanae supremum, post Christum fuit, Papissa proculdubio fuit, nos enim Papæ nomine supremum Ecclesiæ caput secundum Christum intelligimus. Quod si extra Angliam aliarū ecclesiæ caput non fuit, negari tamen non potest, eam Ecclesiæ Anglicanae caput, ac proinde Papissam Anglicanam fuisse. Quam vero nefandum est fæminam vnam rebus sacris præesse, & pro auctoritate in Ecclesia ius dicere, Ministris Christi & Ecclesiæ imperare, & omnes functiones sacras peragere; ex enim functiones capituli supremo Ecclesiæ negari non possunt. Ea res ita indigna visa est Apostolo, vt fæminam in Ecclesia ne quidem loqui permiserit. Quod si fæmina esse caput Ecclesiæ potest, quomodo loqui in Ecclesia prohibetur? quomodo ei è suggestu in templo concionari non licebit; cum sit cæterorum Ministrorum & concionatorum caput? Si enim Ministri iussu & auctoritate ipsius concionantur; quid ni ipsa maiori ratione ius concionandi habeat? Si dicat Elizabetham ratione sui principatus in republ. omnem potestatem in Ecclesiam quoq; habuisse; reuinici facile potest multis scripturæ exemplis, quibus Pontifices Regibus ius in ea, que ad officium sacerdotum spectant, denegarunt. Ita enim Azarias sacerdos Oziam Regem alloquitur; Non est tui officij, Ozia, ut adoleas incensum Domini; sed sacerdotum, hoc est, filiorum Aaron; qui consecrati sunt ad huiuscmodi ministerium Egredere de sanctuario: ne contempseris. quia non reputaberis tibi in gloriam hoc à Domino Deo. 2. Paralip. 26.18. Cum vero in Ecclesia Christi Sacerdotes pastores Regum esse voluerit, Reges vero oves ipsorum, vt & ligari & solvi à sacerdotibus posint: an non id est ordinem à Christo institutum pervertere. Principibus secularibus, præsertim fæminis, ius & potestatem in pastores suos & Patres tribueret? Quocirca torqueat se in omnē partem Zaborouius: evadere certe vim nostri argumenti non poterit. quo potenter conuincitur Euangelicos fæminam Papan & Ecclesiæ caput habuisse.


Hæc breuitatis forte quam par erat contra Zaborouiu: at si quis me respondentis non adstruentis personam suscepisse animo reputet, me facile omni culpa liberabit. maximè quod ea, quæ hic paucis perstricta sunt, ex instituto in duobus DE NOTIS MINISTRORVM libris contra Zaborouiu scriptis copiose à me sunt pertractata.



AD MAIOREM D. O. M. GLORIAM.

9253
3





9253
3

